



13
1969
27



門 1 3
號 1969
卷 27

門 43
號 1969
卷 6

格致鏡原卷九十五



水族類六



綱論

傳胘蟹譜蟹水蟲也其字从虫亦曰魚屬故古

文從魚作蟹以其外骨則曰介蟲取其橫行目為螃蟹

焉骨眼蜎復蜎腦蟹足其爪類拳下其脊類執鉞匡晚

又皆外刺性復多躁或編諸繩縷或投諸笞箠則引聲

喫沫必死方已類皆鱗育生於濟郟者其色紺紫出於

江浙者其色青白此舉其所育多者爾凡埠惟蟹八

跪而二螯水蟲殼堅而脆圓臍者其尖者仕也八月腹

內有芒真稻芒也未被霜食之有毒外骨內肉旁行

各文道原卷九十五 水族類 蟹

早稻田大學圖書館
藏 26.11.1 雙書

蟹弓蟹有匡注蟹背殼似匡蟹譜吳沈氏子食蟹得

背殼若鬼狀者眉目口鼻分布明白常寶翫之頤生

論蟹無腹山堂肆考蟹腹中虛實應月之盛衰其性

甚寒造化權輿蟹易螯埤雅螯蟹首二鉗如鉞者

蓋其兵也所以自衛摛菴新語荀子曰蟹六跪而二

螯然蟹實八跪方知蔡謨不識螿蟻未足多笑蟹譜

荀子謂蟹六跪而二螯今觀蟹行兩小足不著地以其

無所用略而不言太玄經蟹之郭索多蚶黃泉注言

雖有郭索多足之蟹不如無足之蚶以其用心之二也

陸龜蒙蟹志蟹始窟穴於沮洳中秋冬交必大出江

東人云稻之登也率執一穗以朝其魁然後從其所之

蚤夜盛沸指江而奔流者緯蕭承其流而障之曰蟹斷

斷其江之道焉爾然後扳援越軌遞而去者十六七既

入於江則形質浸大於舊自江復趨於海如江之狀漁

者又斷而求之其越軌遞去者又加多焉既入於海形

質益大海人亦異其稱謂矣蟹譜食療本草云蟹至

八月即啗芒兩莖長寸許東嚮至海輸送蟹王之所陶

隱居亦云今開蟹腹中猶有海水乃是其證予謂即陸

魯望云執聽以朝其魁者也蟹譜震澤漁者陸氏子

舉網得蟹其大如斗以螯剪其細皆斷陸氏子怒欲烹

之其侶老於漁者曰不可吾嘗聞龜蟹之殊類甚者必

江湖之使也烹之不祥乃從而釋之蟹至水面橫行里

許方沒

蟹譜吳俗有蝦荒蟹兵之語蓋取其被堅執

銳藏或暴至則鄉人以為兵誰今人採捕者夜則燃火以照咸附明而逐焉

墨客揮毫蘇陽蓋公山有蟹泉在嵌崑之側一穴大可容臂其源常竭州縣遇旱曠即

遣吏齋沐置淨器於前以茅接之泉乃徐徐引出滿器而止有一蟹大如錢色紅可愛綠茅入器中戲泳俄頃

乃去若遇蟹出雨必霑足廣博物志宋元嘉中章安

縣人至海口見一蟹大如筮脚長三尺取食之甚美夜

夢一少姬語云汝噉我肉我食汝心明日為虎所食

蟹譜陶隱居云仙方投蟹於漆中化為水飲之長生

集異志晉武帝太康四年會稽蟹化為鼠甚眾復食稻

為災時帝聽讒諛寵任賈充楊駿之應 筆談關中無

蟹秦人收得一乾蟹上人以為怪有病瘡者取去懸門

戶遂瘥不但人不識鬼亦不識也 大業拾遺吳郡獻

蜜蟹二千頭作如糖蟹法 清異錄煬帝幸江都吳中

貢糟蟹糖蟹每進御則旋潔拭殼面以鏤金龍鳳花貼

上 蟹譜北人以蟹生析之酷以鹽梅芼以椒橙盪手

畢即可食目為洗手蟹凡糟蟹用茱萸一粒置罈中經

歲不沙 升菴外集淮南糟蟹一器數斗蟹入早筴半

挺則經歲不沙又蟹以夜糟則不沙 孟詵食療本草

以鹽漬蟹甚有佳味沃以苦酒通利支節去五臟煩悶

逸雅蟹胥取蟹藏之使骨肉離之胥胥然也蟹蓋去

其匡蓋熟搗之令如蓋也

兩航雜錄蟹以解結散血

得名。惟霜後可食餘節食之多致疾孕婦尤忌 **酉陽**

雜俎蟹八月腹內有稻芒輸與海神未輸芒不可食

蟹譜蟹之腹有風蟲狀如木籠子而小色白太發風毒

食者宜去之 **酉陽雜俎**蟹腹下有毛殺人 **事林廣**

記螃蟹與灰酒同食令人吐血蟹目相向者食之殺人

食療本草蟹雖消食治胃氣理經絡然腹中有毒中

之或致死急取大黃紫蘇冬瓜汁解之即差不可與補

子同食發霍瀉 **聞見錄**宋仁宗內宴十閣分各進饌

有新蟹一品二十八枚帝曰吾尚未嘗枚直幾錢左右

對直一千帝不悅曰數戒汝輩為侈靡一下箸為錢二

十八千吾不忍也置不食 後山談叢作蛤

別名抱朴子山中辰日稱無腸公子者蟹也 **清異**

錄偽德昌宮使劉承勳嗜蟹但取圓殼而已親友中有

言古重二螯承勳曰十萬白八敵一箇黃大不得謂蟹

有八足故云 **清異錄**盧絳從弟純以蟹肉為一品膏

嘗曰四方之味當許含黃伯為第一後因食二螯筴傷

其舌血流盈襟絳自是戲純為筴舌蟲 **水族加恩簿**

以爾甘黃州甲仗大使解蘊中 謂蟹也足材腴妙螯德充

盈宜授曹邱常侍 **蟹譜**出師下砦之際忽見蟹則呼

為橫行介士以權安眾 **名類**廣雅蟹蛭也雄曰螘雌曰博帶 **傳嘉祐海**

論海商言海中龍鼈鳥之東一鳥多蟹種類甚異有虎頭者有翅能飛者有能捕魚者有殼大兼尺者山海經女丑有大蟹郭註廣千里玄中記天下之大物有北海之蟹焉舉一螯能加於山土身故在水中汲冢書海陽巨蟹其殼專車玄池說林金陵極多蟹古傳有巨蟹背圓五尺足長倍之深夜每出齧人異物志昔有人行海得洲木甚茂乃維舟登岸爨於水傍半炊而林沒於水遽斷其纜乃得去詳視之大蟹也廣異記近世有波斯乘艤泛海得諸寶甚多隨風挂帆而行遙見擊上有赤物如蛇形久之潮大胡曰此山神惜寶家逐我也俄見兩山從海中出高數百丈胡喜曰此兩

山者大蟹螯也其蟹常好與山神鬪神多不勝今其螯出無憂矣大蛇尋至蟹許盤鬪良久蟹夾蛇頭死於水上如連山船人因是得濟洞冥記漢武帝善苑國嘗貢一蟹長九尺有百足四螯因名百足蟹煮其殼勝於黃膠亦謂之螯膠勝於鳳喙之膠也樹萱錄海上有蟹大如錢腹下又有十蟹名曰蟹奴武夷記武夷君食石蚶注石蚶小蟹也酉陽雜俎平原郡貢糖蟹採於河間界每年生貢斲冰火照懸老犬肉蟹覺犬肉卽浮因取之一枚直百錢以氈密束於驛馬上馳之至京北戶錄儋州出紅蟹大小殼上多作十二點深黧脂色其殼堪作疊子葉隆遠志渤海螃蟹紅色大如

碗螯巨而厚其脆如中國蟹螯 嶺表錄異紅蟹殼殷

紅色巨者可以裝為酒杯也虎蟹殼上有虎斑可裝為酒器與紅蟹皆產瓊崖海邊雖非珍奇亦不易探得也

建寧志建陽縣南興上里山谷中水極清冽嘗產白蟹有直行之異遇歲旱鄉人入谷以盆貯之迎而歸即

雨 蟹譜秀州華亭縣出於三泖者最佳生於通波塘者特大故鄉人呼為泖蟹又亭林湖於天聖末忽生白

蟹瀕江之人以價倍常靡有孑遺止一年而種絕明越溪澗石穴中亦出小蟹其色赤而堅俗呼為石蟹與生

伊洛者無異唇圓多腴而奪之馨臍長多足而與之蝦其生於盛夏者無遺種以自充俗呼為蘆根蟹 謂其止食蘆

根瘠小而味腥至八月則蛻形已蛻而形寢大秋冬之

交稻梁已足各腹芒走江俗呼為藥蟹最號肥美由江而納其芒於海中之魁遇冰雪則自伏淤澱不可得矣

寧波府志蟹俗呼為蟹經霜則有赤膏俗呼母蟹亦曰赤蟹無膏曰白蟹有子者曰子蟹本草以蟹性敗漆

燒之致鼠 名物通石蟹生崖州榆林港內半里許土極細膩最寒蟹入則不能運動片時成石矣相傳置於

几案能明目 一統志臨川水在崖州東一百三十里唐以此水各縣中產石蟹漁人採之初頗軟出水堅硬

如石 本草綱目殼闊多黃者各蟻生南海中螯甚銳斷物如芟刈也 水族加恩簿多黃尉權行尺一合南

寵謂蟻

截然居海天付巨材宜授黃城監遠珍侯

菴漫筆干人捏似蟹大如錢殼甚堅壯夫極力捉之不

死俗言干人捉不死因以為名

有一小蟹在腹中為瓊瑤出求食蟹或不至瓊瑤餒死

博物志南海有水蟲名齧述異記蛤之類也其中有

小蟹大如榆莢齧開甲食則蟹亦出食齧合甲蟹亦還

入為齧取以歸始終死不相離

呼為膏葉盤兩片合以成殼圓中其瑩滑白照如雲

母光內有少肉如蚌胎腹中有紅蟹子其小如黃豆而

螯足具海鏡饑則蟹出拾食蟹飽歸腹海鏡亦飽或迫

之以火則蟹子走出離腸腹立斃或生剖之有蟹子活

在腹中逡巡亦斃

博嘉祐蟹論呂亢守合州命工作

蟹圖凡十二種一曰蟪二曰撥棹三曰擁劍四曰彭

蠅五曰竭朴六曰沙狗七曰望潮八曰倚望九曰石蠅

十曰蛭江十一曰蘆虎十二曰蟪

大者長尺餘兩螯至彊八月能與虎鬪虎不如隨大潮

退殼一退一長蟹論蟪蟪乃蟹之巨者兩螯大而

細毛如苔八足亦皆有微毛

閩部疏蟹之別種曰蟪

蟪吾地各黃甲此名海蟪特多此種而蟹乃為異狀不

中食此又一種非真蟹也

水族加恩簿以爾專盤處

士甲藏用謂蟪也素稱蟪副眾許蟹師宜授爽國公圓珍

巨美功臣

五雜組閩中蟪蟪大者如斗俗名曰蟪其

螯至強能殺人捕之者伸手石罅中為其所鉗牢不可
脫一遇潮至便致淹沒即至小者亦鉗入出血其肉肥
大於蟹而味不及也 兩航雜錄 螭乃蝮蚌之大者兩
螯無毛 閩部疏 海中螭有冬春間生者蝮蚌類也而
色瑪瑙斗殼作淨瑩蠟盡似虎頭土人名之曰虎螭
五雜俎 虎螭他方之人多取為玩器而其味彌不及
矣 蟹論 撥棹子狀如蝮蚌螯足無毛後兩小足薄而
微闊然亦頗異其大如升南人皆呼為蟹八月間盛出
人採之與人鬪其螯甚巨往往能害人 庶物異名疏
嶺南以蟹為撥棹子以後脚如棹也 吳郡賦注 撥劍
蟹屬也從廣二尺許有爪其一螯偏大大者如人大指

長二寸餘常忌護之如珍寶其利如劍故曰撥劍其一
螯尤細主取食 顏氏家訓 異物志云推劍狀如蟹何
遜詩云躍魚如擁劍是不分魚蟹也 大業拾遺 吳郡
獻蜜擁劍四囊 埤雅 擁劍一名築步一螯極小以大
者鬪小者食 格物論 一螯大一螯小者名擁劍一名
執火以其螯赤故也 古今注 螯蚶小蟹也生海塗中
食土 爾雅 蝮蟬小者蝮 註 即螯蝮似蟹而小 蟹譜
蝮蚶者二三月盛出於海塗吳俗尤所嗜尚歲或不至
則指為禁烟謂非佳節也今之通泰其類實繁 蟹論
蝮蝮螯微毛足無毛以鹽藏而貨於市 北戶錄 有毛
者曰蝮蝮無毛者為蝮蝮堪食俗呼蝮蝮訛耳 搜神

記 螿蟹也嘗通夢於人自稱長卿今臨海人多以長卿呼之 山堂肆考 螿一名彭越舊傳漢醢彭越賜九江王布布不知而食俄覺而哇出於江中化為蟹似螿而小無毛穴居易取 搜神記 晉太康四年會稽螿化為鼠食稻 百陽雜俎 有一種名數丸狀似螿蠅海上競取土作丸滿三百而潮已至矣故名數丸舟人每以為候一名沙丸 正字通 似螿蠅可食薄殼而小曰螿 臨海異物志 竭朴大螿蠅也殼黑斑有文章螿正赤常以大螿障目小螿取食 嶺表錄異 竭朴以大螿捉食小螿分自食 蟹論 沙狗似螿蠅壤沙為穴見人則走屈折易道不可得 兩航雜錄 沙狗穴沙中

或曰沙鉤從沙中鉤取之也味甚美 正字通 南海小蟹未出沙土者曰沙裏蟹俗呼為沙狗 蟹論 望潮殼白色居則背坎外向潮欲來皆出坎舉螿如望不失常期 庶物異名疏 招潮子蟹之小者見海物異名記一名望潮 異魚贊 蟹有招潮週月而翹背向不失與潮相招蟲物有知云誰之教 事物紺珠 倚望大如螿蠅居常東西顧睨行不四五步又舉兩螿以足起望惟入穴乃止石 硯音大於常蟹八足殼赤狀若鵝卵 郭璞江賦注 蛭音江似蟹而小有十二脚 蟹論 蛭江如蟹兩螿足極小堅如石不可食蘆虎似螿蠅正赤不可食螿蠅大於螿小於常蟹 世說 晉蔡謨初渡江見螿蠅

日蟹有八足加以二螯烹食之既食吐下方知非蟹
尚曰卿讀爾雅不熟幾為勸學誤註大戴禮勸學篇云
蟹二螯八足非蛇蟪之穴無所寄託者用心躁也蟹
譜有同蟊蟊差大而毛好耕穴田畝中謂之蟊蟊毒不
可食多生於破塘溝港穢雜之地每因雨則瀕海之家
列陣而上填砌綠屋驅之不去樹萱錄王吉夢一蟊
蟊在都亭作人語曰我翌日當舍此吉覺異之使人候
於都亭司馬長卿至吉曰此人文章橫行一世天下因
呼蟊蟊為長卿卓文君一生不食蟊蟊

鰕

總論

山堂肆考鰕多鬚善游好躍其字从假蓋以水

母假之而動也正字通鰕溪澤江海皆有之磔須鉞
鼻背有斷節尾有硬鱗多足好躍腸屬腦子在腹外
嶺表錄異鰕多歲荒鰕一名沙虹小者如鼠婦大者如
蝮姑老學菴筆記吳人謂杜宇為謝豹杜宇初曉時
漁人得鰕亦曰謝豹水族加恩簿玉德公季遐請鰕
純潔內含爽妙外濟可清縮內相韻羹郡王事物紺
珠鰕名長鬚公又虎頭公曲身小子清異錄韋巨源
土燒尾食有光明鰕炙生鰕則可用七脩類藁子一
夕見地中有如燭煤者數十以火視之乃日間所食海
鰕殼也酉陽雜俎有土人泛海至一處問之曰長鬚
國也其王以公主妻之主亦有鬚土人賦詩曰花無葉

各處皆有之水族類

不妍女有鬚亦醜乃羣鰕所聚也

名類

金樓子舜攝天子有接耳貫胸之民來獻珠鰕

番禺記廣中邕容道常有鰕隨雨至謂之天鰕人取

鹵之不取亦化蓋為海風攝至者 **本草**嶺南有天鰕

蟲大如蟻秋社後羣墮水中化為鰕人以作鮮食 **鳥**

職績考神鰕天聖元年州漁人得之海中長三尺餘前

二錯二寸許未有紅鬚尺餘首如數升器若繪畫狀雙

目十二足文如虎豹大率五彩皆具而狀魁梧尤異中

使吳仲華繪其象以聞詔改名神鰕晏元獻公賦其事

閩部疏海味泉漳間最奇者有龍鰕置盤中猶蠕動

長可一尺許其鬚四繚長半其身目睛突出上隱起二

角負介昂藏體似小龍尾後吐紅子色奪榴花真奇種

也 **泉南雜志**鰕有長一二尺者名龍鰕肉實有味人

家掏空其殼如船燈掛佛前 **五雜俎**龍鰕大者重二

十餘斤鬚三尺餘可為杖 **爾雅疏**鰕大者出海中長

二三丈鬚長數尺今青州呼鰕魚為鰕 **楊慎外集**爾

雅以鰕為大鰕游行則豎其鬚高於水面故其字從高

鬚長數尺可為簾也 **海南雜志**商舶見波中雙檣遙

濠高可十餘丈意其為舟老長年曰非舟此海鰕乘鬚

曝雙鬚也 **嶺表錄**海鰕皮殼嫩紅色腦殼與前兩脚

有鉗者色如朱土人多製為杯謂之鰕杯亦有以其鬚

為簪杖者 **王隱晉書**吳復置廣州以南陽滕修為刺

史或語脩鰕長一丈脩不信其人後故至東海取鰕鬚長四五尺封以示修修乃服 嶺南錄異劉恂者曾登海船見二巨鰕殼頭尾錯足俱全各七八尺首占其一分鬚尖利如鋒刃背上有鬚如紅筋各長二三尺雙脚有錯錯巖如人大指長二尺餘上有芒刺如舊薇枝赤而鈺硬手不可觸腦殼烘透彎環尺餘何止於盃盃也 洞冥記有丹鰕長十丈鬚長八尺有兩翅其鼻如鋸載紫柱之林以鬚纏身急流以為栖息之處馬丹嘗折鰕鬚為杖後棄杖而飛鬚化為丹亦在海傍 北戶錄紅鰕出潮州番州南巴縣大者長二尺土人多理為盃或釀以白金轉相餉遺 正字通今閩中有五色鰕兩

兩乾之謂之對鰕一曰以雞雄為對 爾雅翼梅鰕梅

兩時有之蘆鰕青色相傳蘆葦所變白鰕青鰕各以其色泥鰕相傳稻花變成多在田泥中一名苗鰕又海中有鰕姑狀如蜈蚣云管鰕 祝允明野記言公牒列海味名有強鰕水精鰕蠟白鰕紅芒鰕蝶肚鰕 侯鯖錄鰕狀如蜈蚣而擁楯者各鰕公小而緊身無肉者各鰕狗 南越志鰕鰕長五丈尾似鰕

螺 羸蝨同 附寄居

總論 易離為羸剛在外也 風俗通公輸般見蠡出頭潛

以足畫之蠡引閉其戶終不可開因效之設於門戶欲使閉藏當如此固密也 楊慎外集螺色白磨之則紫

文生 [搜神記]福州謝端釣於江上獲一巨螺大如斗
 置之於家出歸則飲食盈案端潛伺之有一好女子具
 饌於室執而問之曰吾螺女水神也天帝憫君孤子遣
 為具食君已悉我當去乃留空螺曰君有所求當取於
 其中因出門不復見後端有乏探螺皆如意傳數世猶
 在號江曰螺女江洲曰螺女洲廟曰螺女廟其地在虔
 州西南 [原化記]義興吳堪為縣吏家臨荆溪忽得大
 蟹已而化女子號螺婦縣令聞而求之堪不從乃以事
 虐堪曰今要蝦蟇毛鬼臂二物不獲致罪堪語螺婦即
 致之

詳類

[山堂肆考]螺種最多有研螺珠螺梭螺泥螺白

螺或生田澤或生海塗或生巖石上 [華夷鳥獸考]螺
 尖長者曰鑽螺有刺曰刺螺又有拳螺劍螺斑螺丁螺
 [爾雅郭註]螺大者如斗出曰南漲海中可以為酒杯
 疏其小者名蝸 [陸詩註]南人目螺之有文者曰雲螺
 用以酌酒 [南州異物志]扶南海有大螺如甌從邊直
 旁截破因成杯形或合而用之螺體蜿蜒委曲酒在內
 自注傾覆終不盡以伺誤相罰為樂 [嶺表錄異]鸚鵡
 螺旋尖處屈而味如鸚鵡背故以此名殼上青綠斑大
 者可受二升殼內光瑩如雲母裝為酒杯奇而可翫
 [南州異物志]鸚鵡螺狀如覆杯頭如鳥頭向其腹視似
 鸚鵡故以為名肉離殼出食飽則還殼中若為魚所食

殼乃浮出。人所得質白而紫文如鳥形。與觴無異。故因其象鳥為作兩目兩翼也。異苑鸚鵡螺脫殼而遊。朝出則有蟲類如蜘蛛入其殼中。螺又還則此蟲出。庾闡所謂鸚鵡內遊寄居負殼者也。海槎餘錄鸚鵡杯即海螺產於文昌海面。頭淡青色。身白色。周遭間赤色。數稜好事者用金。飾凡頭。脰足。翅俱備。置之几案亦異常耳。異物志蒼鷹螺江東人以為椀。嶺表錄異紅螺大小亦類鸚鵡。螺殼薄而紅亦堪為酒器。刻小螺為足綴以膠漆尤可佳尚也。幽明錄武帝幸瓠子河間水底有絃歌之聲。有老翁出獻帝一紫螺殼。中有物狀如牛脂。拾遺記蓬萊山一名防邱亦名雲來。有大螺

各鰓步負其殼。露行冷則復入其殼。生卵著石上。則軟取之則堅。彙苑詳註蓼螺味辛如蓼。紫貝螺紫色有斑文。鈿螺光彩可飾鏡背。事物紺珠甲香一名香螺。大者如甌。面青黃。殼咀有刺長四五寸。合眾香更芳。獨燒則臭。本草螺甲出雲南者如掌。取壓燒灰合香者多用之。雲烟過眼錄長生螺數枚置之醋中則活。傳肱蟹譜海中有小螺以其味辛謂之辣螺。可食。至二月三月間多化為蜉蝣。今人有得螯跪半成而尚留殼中者。此其證也。事物原始僧家用海螺以供法器。亦曰南海中所產也。山堂肆考田螺形圓底鏡。大者如梨。橘小者如梅李。其性大寒。秋冬多有水蛭入。蠶中須去

之方可食

事物紺珠青螺如田螺而大磨去粗皮翠

色可琢器

事物原始鬼螺全似蝸牛而黃小雨後好

緣桑上東坡云升高不知回竟作黏壁枯

山堂肆考

海蠅螺生海塗中有人見其羣變為蚩飛去或云此螺

能高跳丈許蓋遷其處也

水族加恩簿惟爾田青螺

也螺謂微藏淺味無所取材世或烹調以為怪品今授具體

郎

寄居

草木子寄居一名寄生殼如蝸而一頭小蟹一

頭螺蛤小蟹寄在螺殼間常候螺開出食螺欲合遽入

殼中

酉陽雜俎寄居之蟲如螺而有脚形似蜘蛛本

無殼入空螺殼中載以行觸之縮定如螺閉戶也火炙

之乃走始知其寄居也

閩部疏寄生最奇海上枯巖

致存者寄生其中載之而行形味似鰕細視之有四足

兩螯又似蟹類得之者不煩剔取曳之即出以肉不附

也炒食之味亦脆美

蚌附珠

論

易離為蚌

埤雅蚌孚乳以秋蚌聞雷聲則厥

其孕珠若懷妊然故謂之珠胎與月盈胸淮南子所謂

日至而麋鹿角解月死而螺蚌騰者也一名蜃

文心

雕龍蚌病成珠

唐新語唐麟德中封禪用取明水李

敬真曾八九月取蛤蚌一尺三寸者依法試之至半夜

得水四五升

清波雜志江南徐知諤嘗得畫牛一軸

晝則嚙草欄外夜則歸臥欄中僧錄贊寧曰南倭海水或減則灘積微露倭人拾方諸蚌腊中有餘淚數滴得之利色著物則晝隱而夜顯沃焦山時或風捲飄擊急有石落海岸得之滴水摩色染物則晝顯而夜晦諸學士皆以爲無稽寧曰見張騫海外異物記夷事略晏陀蠻以蚌甲爲兵三國典略周天和元年夏齊冀州人於蚌蛤中得瑤環一雙老學菴筆記處士李璞居壽春一日登樓見淮灘雷雨中一龍騰起雨霽行灘上得一蚌頗大偶拾視之其中有龍蟠之迹宛然鱗鬣爪角悉具輿地紀勝湘水中有穴名太濩有兩蚌大如車輪岳陽風土記洞庭湖中舊有巨蚌其大如片帆

夜深側立一殼乘風往來烟波間中吐巨珠與月相射漁者取之終不可得近久不見五雜俎吳陳湖傍有巨潭中產老蚌其大如船一日張口灘畔有浣衣婦以爲沉船也窺之蚌閉口而沒婦爲驚仆嘗有龍來取其珠蚌與鬪三晝夜風濤大作龍爪蚌於空中高數丈復墜竟無如之何景泰七年冬河冰盡合蚌自湖西南而出冰皆摧破堆壅兩岸如積雪然以後遂不知所之矣

名類 爾雅蚌含漿註蚌卽蜃也疏說文云蜃屬謂老產珠者也一名蚌一名含漿徐充南方記珠蚌殼長三寸在漲海中拾遺記燕昭王時有黑蚌飛翔去來於五岳之上昔黃帝時霧成子遊寒山得黑蚌於高崖

故知黑蚌能飛矣此蚌千歲一生珠 **天業拾遺錄**南

方林邑有大蚌盈車明珠至寸不以爲貴國人不採

東坡問答錄佛印臨瀾搗木怡然忘機玻璃詰之答曰聞

此中有花紋小蚌可愛欲得數枚置之盆池間以供閒

玩 **天中記**說文云鮓蚌也漢律會稽獻鮓醬二升漢

書註鄧有鮓琦亭師古曰鮓音結蚌也長一寸廣二分

有一小蟹在其腹中埼曲岸也其中多鮓故以名亭

爾雅疏蚌一名蜃蚌屬也說文云脩爲蜃圓爲螪郭云

今江東呼蚌長而狹者爲蜃其肉可爲醢

玉珧可飾佩刀削詩傳云天子玉珧而珧珧是也山海

通志昆蟲略

玉珧可飾佩刀削詩傳云天子玉珧而珧珧是也山海

通志昆蟲略

玉珧可飾佩刀削詩傳云天子玉珧而珧珧是也山海

通志昆蟲略

玉珧可飾佩刀削詩傳云天子玉珧而珧珧是也山海

通志昆蟲略

玉珧可飾佩刀削詩傳云天子玉珧而珧珧是也山海

通志昆蟲略

玉珧可飾佩刀削詩傳云天子玉珧而珧珧是也山海

通志昆蟲略

玉珧可飾佩刀削詩傳云天子玉珧而珧珧是也山海

通志昆蟲略

玉珧可飾佩刀削詩傳云天子玉珧而珧珧是也山海

通志昆蟲略

玉珧可飾佩刀削詩傳云天子玉珧而珧珧是也山海

通志昆蟲略

玉珧可飾佩刀削詩傳云天子玉珧而珧珧是也山海

通志昆蟲略

玉珧可飾佩刀削詩傳云天子玉珧而珧珧是也山海

通志昆蟲略

經激女水中多蜃珧今廣州東南道極多人取以摩作

碁子鬻之 **正字通**珧蜃屬形似蚌殼中肉柱長寸許

俗謂之江珧柱本草一名玉珧一名海月又名馬頰馬

甲廣州謂之角帶子 **萬震海物異名記**江珧柱厥甲

美如瑤玉肉柱膚寸名江瑤柱 **紺珠**江珧柱一名楊

妃舌 **麟幾雜誌**四明海物江瑤柱第一青鰕次之介

甫云瑤字當作珧柱卽如蛤蜊柱卽韓文公所謂馬甲

柱也二物無海腥氣 **藝苑卮言**奉化四月南風乍起

江瑤或日再上可得三四百枚或連歲不上如蚌而稍

大中肉腥而韌不中口僅四肉牙佳耳長可寸許員半

之白如珂雪以嫩雞汁熟過之一沸卽起稍久則味盡

矣甘鮮脆美此所謂柱也

水族加恩簿咨爾獨步王

江殊謂江

嶺也鼎彝仙姿瓊瑤紺體天賦巨美時稱絕佳宜

以流碧郡為靈淵國追號玉柱仙君稱海珍元年

蛭

正字通蛭小蚌生海泥中長二三寸大如指似蟻

覬閩粵人以田種之謂之蛭田呼其肉為蛭腸

山堂

肆考蛭穴居似馬刀而殼薄其性甚寒能消渴

藝苑

厄言海味龜脚蛭次之

蛭

大戴禮十一月雉入淮為蜃蜃蒲盧也

周禮閩人掌

四方山川用蜃器注器以蜃灰飾之令白者鄭謂之義

灰以义刺泥中搏取得蜃而名

周禮地官掌蜃共堊

墳之蜃註未施柳前施蜃灰棺下禦濕也

以上蜃為較類

海

物異名記蜃布泥有疆界其蒸氣也為樓

琕雅蜃形

如蛇而大腰以下鱗盡逆一曰狀似螭龍有耳有角背

鬣作紅色噓氣成樓臺望之丹碧隱然如在烟霧高鳥

倦飛就之以息喜且至氣輒吸之而下今俗謂之蜃樓

將雨即見史記曰海旁蜃氣成樓臺是也世云雉與蛇

交而生蜃得其脂和蠟為燭香聞百步烟出其上皆成

樓閣之狀矣太平廣記歙州歙縣黃墩湖有蜃嘗為

呂湖蜃所鬪湖之近村有程靈洗者好勇善射夢蜃告

之曰吾甚為呂湖蜃所厄明日又來君能助吾必厚報

束白練者吾也明日與村少年鼓噪於湖邊須臾波濤

湧激聲似雷霆見二牛相馳其一甚困而腹肋皆白靈
洗鬻弓助之正中後蜃歸居湖未到而斃 合璧事類
蜃精化為美少年以珍寶財貨數萬娶潭州刺史賈至
女直君求見賈使君謂曰聞君有貴婿慎郎乃蛟蜃老
魅焉敢遁形蜃精復變本形為吏所殺以上蜃為蛟類 五雜
組爾雅曰蜃小者玼是以蜃為蚌屬羅願曰蜃大蛤也
故海中車螯亦有謂之蜃者然古人蛟蜃同稱若蚌蛤
屬豈能變化為人害據陸佃埤雅所云則蜃有二種而
海市蜃樓及許遜所誅慎郎者必非玼蛤明矣又雉入
大水為蜃雉本蛇所化晉武庫中雉飛而得蛇說也是也
則其入水為蜃亦從其類耳而羅氏以為蛤屬俱誤也

此以為二物 七脩類藁雉入大水為蜃雉野雞鄭康成淮
南子高誘俱註蜃為大蛤玉篇亦曰蜃大蛤也墨子又
曰蚌一名蜃蚌非蛤類乎禮記之註曰蛟屬埤雅又以
蚌蜃各釋似非蛤類然按本草車螯之條曰車螯是大
蛤一名蜃能吐氣為樓臺又嘗聞海中蜃氣成樓垣章
龜經曰蜃大者如車輪鳥嶼月開吐氣成樓與蛟龍同
也則知此為蛤明矣况爾雅翼引周禮諸家辨蜃為蛤
甚明禮記之註以謂雉由於蛇化之說故以雉子為蜃
埤雅既曰似蛇而大腰下盡逆鱗知之悉矣然復疑之
一曰狀似螭龍有耳有角則亦聞而識之不若本草章
龜經為是即一物耳 此以為一物

蛤

總論

禮月令仲秋月雀入大水為蛤

述異記淮水

中黃雀至秋化為蛤至春復為黃雀五百年化為蜃蛤

南越志凡蛤之屬開口聞雷鳴不復閉口西陽雜

俎蛤蜊候風雨能以殼為翅飛博物志東海有蛤鳥

常啖之其肉消盡殼起浮出更薄在沙中岸邊潮水往

來碯薄蕩白如雪入藥最精勝採取自死者古今注

鳧鴈嘗在湖邊沙上食沙石悉皆銷爛惟食蛤不消隨

糞而出用以為藥倍勝常者文昌雜錄少監孫莘老

莊居在高郵湖邊嘗一夕陰晦湖中珠兒微有光彩俄

而光明如月陰霧中人面相觀忽見蚌蛤如蘆席大一

殼浮水上一殼如張帆狀其疾如風舟子航小艇競逐

之終不可及既遠乃沒北史有人患脚跟腫痛諸醫

莫能識之徐之才曰蛤精疾也因乘船入海每垂脚水

中疾者曰實曾如此之才為剖得蛤子二大如榆莢

西陽雜俎隋帝嗜蛤所食必兼蛤味逾數千萬矣忽有

一蛤椎擊如舊帝異之安置几上乙夜有光及明肉自

脫中有一佛二菩薩像帝悲悔誓不食蛤天中記開

寶六年漢陽軍獻蛤有文隱起成龍長五寸許金色鱗

甲皎然杜陽雜編唐文宗好食蛤蜊一日左右方盈

盤而進中有擘之不裂者上疑其異乃焚香祝之俄頃

自開中有二人形眉端秀體質悉備螺髻瓔珞足履齒

昔謂之菩薩上遂置之於金粟檀香合以玉屑覆之賜

興善寺令致敬禮續聞見近錄京師舊未嘗食蜆蛤

自錢司空始又以蛤蜊為醬於是海錯悉鹽以走四方

清異錄韋巨源上燒尾食有冷蟪兒羹蛤水族

加恩簿合州刺史仲肩謂蛤也重負雙宅閉藏不發既命

之為舍津令陞之為愨誠君矣粉身功大償之實難宜

授紫暉將軍甘鬆左右丞試甘園內史

詳類漢武內傳西王母曰仙藥次有白水靈蛤飛

燕外傳真臘夷獻萬年蛤光彩若月照人亡妍醜皆美

艷帝以蛤賜后后以蛤妝五成金霞帳帳中常若滿月

彙苑詳註番禺每大雷大蛤從空而下名天蛤說

文蛤有三皆生於海蛤曝干廣島所化也海蛤百歲為

所化也魁蛤一名復累老服翼所化本草經文蛤表

有文又曰馬刀一名蛤小紫瑤者曰文蛤兩頭尖者

曰齊蛤事物原始馬刀一名馬蛤生江海中長六七

寸肉似蚌今人多不識之似今之蜆京師謂之燻岸

河中呼為蠃蠃大抵蛤蜊蜆皆相類也又一種名游波

極類海蛤其黃蛤殼色俱黃細小而長狀如小蚌人欲

覓之鋤於泥塗之中得之其味極美不能多得鄞慈二

縣無此不款上賓雨航雜錄西施舌一名沙蛤大小

似車螯而殼自肉中突出長可二寸如舌是物海燕所

化久復為燕其性熱閩部疏海錯出東四部者以西

水族類

施舌為第一。蠟房次之。西施舌本名車蛤。以美兒謠出長樂灣中。〔泉南雜志〕西施舌殼似蛤而長。外色若水蚌殼。內色如乳。翠肉白似乳。形酷肖舌。闊約大指長及二寸。味極鮮美。無可與方舌本有數肉條。如鬚。然其飲處。〔庶物異名疏〕方諸大蛤也。一各陰。燧淮南子方諸見月則津。而為水。摩挾合熱。向曉月下則生數滴。一曰銅盤受之下數石。〔海物異名記〕蜜丁。魁蛤之子也。〔興化府志〕朗晃蛤。蚶類。但形厚而膏黑耳。此物食沙故肉多沙。〔本草拾遺〕擔羅蛤。類生新羅國。〔臨海志〕蘆雉似蛤。蚶殼小薄耳。〔兩航雜錄〕蠅似小蛤而長。匾殼有毛。是物行有前無却。〔本草〕海月。南海水蛤出。

化煮時稍變為水。似半月。因以名之。海蛤類也。〔兩航雜錄〕海月。大如鏡。白色正圓。其柱如搔頭。土人鱗次之。為天窗。

車螯

本草車螯。是大蛤。一名蜃。〔正字通〕車螯。海蛤也。殼色紫。有斑點。肉可食。俗謬呼昌娥。〔謝靈運答弟書〕前月十二日至永嘉郡。囑不如。鄞縣車螯亦不如。北海。〔水族類〕族加恩。簿杜口中。郎將白中隱。〔謂車螯也〕負乃厚德。韜其雅姿。可含珍。大元帥豐甘。上柱國兼脆尹。〔臨海水土記〕似車螯而角不正者。曰稜角。殼薄者曰姑勞。小者曰羊蹄。出羅江。

牡蠣

本草牡蠣一名蠣蛤一名牡蛤陶隱居云是百歲雌所化此物附石而生磈礧相連如房故名蠣房一名蠣山晉安人呼為蠖莆初生海邊才如拳石四面漸長有一二丈者巖巖如山每一房內有蠖肉一塊肉之大小隨房所生大房如馬蹄小者如人指面每潮來則諸房皆開有小蟲入則合之以充腹海人取之皆鑿房以烈火逼開之挑取其肉趁墟市以易醋 南越志南山謂之為蠖甲為牡蠣合澗洲圓蠣土人重之語曰得合澗一蠖雖不足豪亦可以高 兩航雜錄漁者於海淺處植竹扈竹入水纍纍而生斫取之各曰竹蠣文選云

礪而礪礪注云長七尺形如馬蹄又謂梅花蠣是物除熱補傷澀精益血土人用以為醬曰蠣黃醬樂清縣新溪口有蠣嶼方圓數十畝四面皆蠣其味偏好 閩部疏蠣房雖介屬附石乃生得海潮而活凡海濱無石山溪無潮處皆不生余過莆迎仙寨橋時潮方落兒童羣下皆就石間剔取肉去殼連石不可動或雷之仍能生其生半與石俱情在有無之間殆非蛤蚌比也 酉陽雜俎牡蠣言牡非謂雄也介蟲中唯牡蠣是鹹水結成也 庶物異名疏道家方以左顧為雄故名牡蠣右顧是牡蠣或以頭尖為左顧陳藏器云天生萬物皆有牡牡惟是鹹水結成塊然不動陰陽之道何從而生且如

牡丹豈有牡丹乎此物無目更無顧盼然南州志蠓房贊曰海曲蠓房或名蠓山眉渠磊河牝牡異斑肉曰蠓黃醃味海蠻按此則誠有牝蠓以斑別矣 清暑筆談東坡在海南食蠓而美貽書叔黨曰無令中朝士大夫知恐爭謀南徙以分此味 石藥爾雅牡蠓一名石雲慈 水族加恩簿房叔化 謂牡蠓也粉廁湯丸裏護丹器可授豪山太守 異物志古賈灰牡蠓殼也 五雜俎蠓不惟味佳亦有益於人其殼堪燒作灰殊勝石灰也 泉南雜志泉無石灰燒蠓房為之堅白細膩經久不脫

鰓魚

三蒼郭璞註鰓狀似蛤偏著石 後漢伏隆傳張步遣

使獻鰓魚 後山談叢石決明登人謂之鰓魚明人謂之九孔螺 草木子石決明海中大螺也生南海崖石上海人泅水取之乘其不知用手一撈則得當其覺知雖斧鑿亦不得也 山堂肆考鰓殼開合於海潮中其殼光明可愛 續博物志陶隱居云鰓魚甲大者如手明耀五色內亦含珠 郭璞石決明贊鰓似蛤無鱗有殼一面附石細孔雜雜或七或八 南史時淮北屬江南無復鰓魚或有間關得至者一枚直錢數千 五雜俎北地珍鰓魚每枚三錢漢王莽嚼鰓魚憑几不復睡後漢吳良為郡吏不阿太守賜良鰓魚百枚則古人已重之矣鰓音撲入聲今人讀作鮑非也韻譜云一名石

決明一殼如笠黏石上閩中亦有之但差小耳

蚶 附蜆

爾雅魁陸註本草云魁狀如海蛤圓而厚外有理縱橫
即今之蚶也疏按本草蟲魚部云魁蛤一名魁陸生東
海正圓兩頭空表有文陶隱居注云形似紡軋小狹長
外有縱橫文理云是老蝙蝠化為者是也又一名蚶
嶺表錄異瓦屋子蓋蚌蛤之類也南中舊呼為蚶子瑣
因盧鈞尚書作鎮遂改為瓦屋子以其殼上有稜如瓦
壠故以此名焉殼中有肉紫色而滿腹廣人尤重之多
燒以薦酒俗呼為天饈炙食多即壅氣背膊煩疼未測
其性也 五雜俎蚶大者如斗可為香爐蚌大者如箕

此皆海濱人習見不足為異也 郭璞江賦洪蚶專車

臨海異物志蚶之大者徑四寸肉味佳今浙東以近

海田種之謂之蚶田 後山談叢蚶子益血蓋蛤屬惟

蚶有血 藝苑卮言海味寧波酒蚶為最 泉南雜志

蚶大而肥鮮美特異雜俎云鼎俎之味有蚶醬

本草蜆冷無毒小於蛤蜊生淡泊沙水中 隋書

劉臻好啖蜆以父諱顯音同蜆呼蜆為扁螺

諸介族

周書王會成王時封人獻郵郵若龜而喙長 物類相

感志蜆出南海而寄生龜殼中食之能益人顏色其蟲

出如蝦也 水經注疎水中有物如三四歲小兒鱗甲

如鯨鯉射不可入好在磧上自曝膝頭似虎掌爪常沒入水中出膝頭小兒不知欲取弄戲便殺入人有生得者摘其臯厭可以小使名爲水唐也
[湘烟錄]孫汝澂云臯厭者水虎之勢也可爲媚藥善使內也
[霏雪錄]海中有甲物如扇其文如瓦屋惟三月三日潮盡乃出名海扇一名車渠作杯盛酒過滿不溢
[臨海水土物志]越王形似蠟殼赤尾如有人爪
[興化府志]空豸俗呼空大又云泥星其殼極薄其肉極輕虛如水沫
[本草]介蟲部海燕出東海大一寸狀扁而員背青黑色腹白脆似海蝶蛸口在腹下有五足不知頭尾生時體與死卽乾脆治陰雨發損痛煮汗服取汗愈
[本草]淡菜

一名殼菜似馬刀而厚生東海崖上肉如人乳故又名海牝肉大者生珠肉中有毛肉有紅白二種性溫能補五臟理腰脚益陽事一名東海夫人
[會稽志]吐鐵歲時銜以沙沙黑似鐵至桃花時鐵始盡吐
[泉南雜志]北方謂泥磚曰土坯晉江有介屬亦曰土坯綠殼白尾其旁有毛
[山堂肆考]海繸筐石決明之類也但決明堅而此物殼甚脆易碎背多癰瘰如蟾皮蒼黑色中有肉兩頭軟出其肉兩頭穿小兒取其殼以爲戲其形圓而稍匾如繸筐故名
[南越志]石蚌形如龜脚生海中石上得春雨則生花花似草華一名石鮓
[通雅]紫蚶紫藤卽今仙人掌
[丹鉛總錄]荀子東海有紫結魚鹽

水族類 諸介族

紫結卽石蚌也一名紫薑蚌蛤類也春而發華文選所謂石蚌應節而揚葩是也王維送元中丞詩去問珠官俗來經石蚌春薑或作薑非 [海槎餘錄] 相思子生於海中如螺之狀而中實若石焉大比荳粒好事者藏置篋笥積歲不壞亦不轉動若置醋一盂試投其中遂移動盤旋不已亦一奇物也 [閩部疏] 莆田青山海濱產小白石狀似杏仁而擘兩瓣腹有文如蟲貯之醯醢中兩石離立相對須臾能自動兩相迎合名之曰雌雄石亦曰相思曾得四瓣試之果爾惟醢則行易他物則否竟不解所以志所不載也

諸水族

臨海異物志土肉正黑如小兒臂長大五寸中有腸無目有三十足如釵股大者一頭長尺餘 [本草] 土肉可炙食李時珍曰此蟲魚之屬與土精各封同類 [寧波府志] 沙喫塊然一物如牛馬腸臟頭長可五六寸許胖軟如水蟲無首無尾無目無皮骨但能蠕動觸之則縮小如桃栗徐復擁腫土人以沙盆採去其涎腥雜五辣煮之脆美爲上味 [嶺表錄異] 沙筋生海岸沙中春時吐苗其心苦骨白且勁可爲酒籌俗呼塗釵 [酉陽雜俎] 南海有水族前左脚長前右脚短口在脇旁背上常以左脚捉物置於右脚右腳中有齒嚙之方內於口大三只餘其聲木木南人呼爲海木 [庶物異名疏] 陽遂

格致鏡原卷九十五
足背青黑腹下黃白有五足長短大小皆等不知頭尾
所在生時體軟死即乾脆 〔雨航雜錄〕石勃卒形短圓
三寸長四寸身赤腹泡急其形勃卒故名一名來魚或
曰石屑入水所化 〔五侯鯖〕陵龍黃身四足形短尾長
有鱗無角南越佳羞見者競逐 〔本草〕魚虎有毒背上
刺著人如蛇咬皮如蝟有刺頭如虎生南海亦有變為
虎者

格致鏡原卷九十五終

格致鏡原

卷九十六 昆蟲類一

總

蠶

各類

蠶繭

蜂

各類

異蜂

蝶

各類

蜻蛉

蠅

蛾

螢

蝙蝠

蠅

詳類

卷九十七 昆蟲類二

蚊

焦冥

蠅

蠅

蠅

詳類

附蚤

蠹

格致鏡原目次 昆蟲類

載

蜈蚣

蛭 附度古

蝗 附草蟲

阜螽

螽斯

蠍

蟻

蝟

卷九十八

昆蟲類三

蟋蟀

附絡緯 油葫蘆

竈馬

螻蛄

蟻 總論

各類

蟻異

蛙

總論

蝦蟆

總論

各類

蟾蜍

蜥蜴 附蛤蚧

果蠃

蜘蛛

附蠹 蝥 蠅

壁 蕩

卷九十九

昆蟲類四

蛇 總論

詳類

蛇異

卷一百 昆蟲類五

蝸 附蜒 蝓

蟻 蟻

蝻 蟻

蟻 蟻

蟻 蟻

諸蟲

附無名蟲

格致鏡原卷九十六

昆蟲類

總

爾雅有足謂之蟲無足謂之豸。漢五行志蟲豸之類謂之孽。漢成帝紀草木昆蟲咸得其所。師古注昆衆也。昆蟲言衆蟲也。又許慎云二虫爲虺讀與昆同。謂蟲之總名。兩義並通。而鄭康成以昆蟲爲明蟲失之矣。說文風動蟲生故蟲入日而化。小史集雅化生者眼無竅。周禮外骨內骨卻行仄行連行紆行以脰鳴者以注鳴者以旁鳴者以翼鳴者以股鳴者以胷鳴者謂之小蟲之屬。以為雖琢注脰鳴蠹黽屬注鳴情列屬旁

鳴蜩屬翼鳴發皇屬股鳴蟪屬胃鳴蝶螈屬
子喘奕之虫宵翹之物莫不適其性
西陽雜俎食葉者有絲食土者不食食而不飲者蠶飲而不食者蟬不飲不食者蟬
周禮秋官帝涿氏掌除水蟲註壺反鼓涿擊也擊戍鼓以驚水蟲也

蠶附金蠶

蠶書蠶為龍精水荀况蠶賦此夫身女好而頭馬首者虞屢化而不壽者與善壯而拙老者與有父可無牝牡者與冬伏而夏游食桑而吐絲前亂而後沿夏生而惡暑喜濕而惡雨蠶以為母蛾以為父三俯三起事乃大已夫是之謂蠶
東方朔別傳蠶之狀喙咄

咄類馬色斑斑類虎

皇圖要覽伏羲化蠶為絲黃帝

元妃西陵氏始養蠶

舊漢儀今蠶神曰菘嶽婦人寓

氏公主凡二人

蠶經菘嶽婦人先蠶者也蜀有蠶女

馬蠶娘歷代所祭不同今世俗謂蠶為女兒者是古之

遺言也搜神記太古氏有人遠征家有一女并馬一

匹女思父乃戲馬云能為迎我父吾將嫁汝馬絕韁而

去至父所父乘之而還馬後見女輒怒而奮擊父怪之

密問女女以告父父屠馬曬皮於庭女至皮所以足蹶

之日爾馬而欲人為婦自取屠剝言未竟皮蹶然起卷

女而行父失女後於大桑樹枝間得女及皮盡化為蠶

績樹上蠶厚大異常鄰婦取養之其收數倍穆希文

蟬史世傳蠶乃馬化故背負馬跡蛻設時頭如馬今人祭馬頭娘名馬面菩薩卽其神也

曰此夫身女好而頭馬首者歟今蠶頭實不似馬而癩乃云爾則蠶爲馬類古有其傳矣周禮禁原蠶爲妨馬也今術家未僂蠶至博馬齒馬輒不能斲草則蠶馬同類信矣

淮南王蠶經周禮忌原蠶歲再登非不利也然王者法禁之謂其殘桑也然則夏蠶最不宜多育

月令季春后妃齋戒享先蠶而躬桑以勸蠶事

注先蠶天駟星也后妃躬桑率先天下也

禮祭儀三官夫人桑于公桑風戾以食之

注蠶畏濕惡水不欲見露氣風戾之使燥也戾乾也

博物志蠶陽物也惡水濕

黃

省魯蠶經蠶之性喜靜而惡喧故宜靜室喜煖而惡濕

故宜版室室靜可以避人聲之喧闐室密可以避南風

之吹襲室版可辟地氣之蒸鬱

禮祭儀古者天子諸侯必有公桑蠶室近川而爲之築宮仞有三尺棘牆而

外閉之

歲時記吳縣王成夜見一人立宅東南角謂成曰此地是君蠶室我卽地之神明日月半君宜作白

粥泛膏於上以祭我必當令君蠶百倍言訖失所在成如其言年年得蠶也

雜五行書欲知蠶善惡常以三月三日天陰而無日不見雨蠶大善

淮南子蠶食而不飲二十七日而化

蠶書飼蠶勿用雨露濕葉蓋蠶性惡濕

埤雅今俗飼蠶以葉灑之欲其勻厚

蠶書

柘桑飼蠶其絲作琴瑟弦清鳴響亮勝於凡絲遠矣

淮南子人食礬石而死蠶食而不饑 博物志蠶三化

先孕後交不交者亦產子子後者無眉目收采亦薄

豐寧傳蠶退之後多為乾腊貨之開元中春末兩京白

眼蜂如山市人以此卜絲帛之豐儉 本草蠶皮亦曰

蛻一名馬明退一名佛退 又蠶屎名蠶沙蠶眠所退殼

名蠶褪又名蠶退 朝野僉載被蠶齧者以甲蟲末傅

之 歲時記今世人正月十五日作粥禱之加以肉覆

其上登屋食之呪曰登高糜挾鼠腦欲來不來待我三

蠶老則是為蠶逐鼠矣 清異錄齊魯燕趙之種蠶收

蘭訖主蠶者普通花銀碗謝祠廟村野指為女及第

天中記蜀人二月望日鬻蠶於市因作樂縱觀謂之

蠶市 唐西域傳于闐初無蠶巧鄰國不與其王乃求

婚女置蠶帽絮中始有蠶其女刻石約無殺蠶俟蛾飛

盡乃治繭 山海經歐絲之野在跂踵國東一女子跪

據樹歐絲 郭註噉桑吐絲蠶類也 傳燈錄富那夜奢

昔為毘舍利國王其國有一類人如馬保露王運神力

分身為蠶彼乃得衣王後復生中印度馬人感戀悲鳴

因虎馬鳴大士

蠶 宋嘉記郡有八蠶一日蛻珍蠶三月績二日柘

蠶四月初績三日蛻蠶四月績四日愛珍五月績五日

愛蠶六月末績六日寒珍七月績七日四出蠶九月初

續八曰寒蠶十月績凡蠶再孰者皆曰珍珍子為愛

癸辛雜志月直大火則浴其種今人以鹽水沃其種謂

之腌蠶其蠶為上不浴者各火蠶其蠶次之事物紺

珠起娘頭眠蠶又巧娘最先熟蠶埤雅再蠶謂之原

蠶一名魏蠶今以晚葉食之方言秦晉謂之魏蠶郭

註魏細也今轉為二蠶癸辛雜志紅蠶緣於枯桑其

繭不黃蓋蠶足于葉三俯三起二十七而蠶已老則紅

故謂之紅蠶以繭白衣亦謂之室爾雅蠶桑繭食桑

繭者即繭吐繭繭食繭繭食繭繭食繭繭食繭繭食繭

拓蠶生閱二旬而繭織綿縑精緻事物紺珠楓蠶楓

葉始生有出食葉如蠶赤黑色四月吐絲光明如琴絃

海濱人取作約縵出黃州吳錄南陽郡一歲蠶八績

俞益期箋日南蠶八熟繭軟而薄唐書南蠻莊躡

之裔正月蠶生二月熟拾遺記圓嶠山東海有水蠶

長七寸黑色有鱗角以霜雪覆之作繭長一尺五色織

為文錦入水不濡入火不燎梁四公記扶桑之蠶長

七尺圍七寸色如金四時不死五月八日曬黃絲布於

條枝而不為蠶脫如緹燒扶桑木灰汁煮之其絲堅韌

四絲為係足勝一鈞蠶卵大如鷲雀卵產於扶桑下齋

卯至旬麗國蠶變小如中國蠶耳酉陽雜俎旁龜新

罷國人有弟甚富旁死因分居求蠶種于其弟弟蒸而

與之能不知也後生一蠶大如半食葉數樹不足四方
百里蠶飛入其家謂之蠶王四鄰共練之不供

蠶事物原始蠶自成日獨繭二三以上日同功

蠶經長而瑩白者細絲之繭大而晦色青葱者粗絲之
繭皆搨去其蒙戎之衣其內潰而漬濕者謂之陰繭及
薄而雜者綿之繭可為粗絲不可以經日經日則絲爛
而難抽不可以焚香焚香則蛆穴而難抽大者謂之磨
工其在簇也擇繭之尖細堅而腰小者雄也圓慢厚而
腰大者雌也相兼而收以簇中為佳近上則絲薄近下
則子不生續漢書光武建武二年野蠶成繭民收其
絮古今注元帝末元四年東萊郡東半山有野蠶為

繭繭生蛾蛾生卵卵著石收得萬餘石民以為蠶絮

說林蠶最巧作繭往往過物成形有寡女獨宿倚枕不
寐私于壁孔中視鄰家蠶箔明日繭多類之雖眉目不
甚悉而望去隱然似愁女蔡邕見之厚價市歸繅絲製
琴絃彈之有憂愁哀慟之聲問女琰琰曰此寡女絲也

事物紺珠宋太宗時邠封民家發蠶簇有繭聯屬自
成被廣五尺長倍之真宗時荊州人家蠶簇上繭自成
被酸棗縣民家繭自成被色輕重密緻柔滑非人功可
及仁宗景祐四年靈河縣民家蠶自成被長二丈五尺
濶四尺哲宗時北海縣蠶自織如絹成領帶孔六帖
大軫國有靈泉池以五色石致池採大柘桑飼蠶于池

中池中有挺荷疾風不能動大者濶三四尺蠶經十五日即入荷中蠶可五六寸為繭形如斗自然五色人繅之以織神錦
神仙傳園客者濟陰人常種五色香草積數十年服食其實忽有五色蛾集香草上客收而薦之以布生華蠶焉至蠶時又一女自來助客養蠶得繭大如瓮每一繭繅六七日絲乃盡繅訖此女與園客俱仙去
夷堅志農民王友諒嫂秦氏性狠戾諒常乞蠶種子兄秦以火逼而遺之諒妻如常煖浴以俟其出過期但得其一已而漸大幾重百斤秦氏伺諒夫妻作客東村直入蠶房蠶臥牖畔喘息如牛食葉如風雨聲秦鞭以巨挺每一擊輒吐絲數斤秦震怖急歸病心顛死

諒蠶繭蟠然如獲綠之正得絲百斤

陸劇荆中記永嘉末盜發齊桓公墓得金蠶數千薄
稽神錄千牛兵曹王文秉丹陽人其祖常為湖西廉使裴璩采碑於積石之下得一白然圓石如毬形式如薯蕷乃重疊如殼相包斲之至盡其大如拳復破之中有一蠶如螭蟠蠕蠕能動或云人欲求富莫如得石中金蠶畜之則寶貨自致矣問其形狀則石中螭蟠也
魯應龍括異志金蠶蠶金色食以蜀錦取其遺糞置飲食中毒人必死喜能致他財使人暴富遣之極難雖水火兵刃不能害多以金銀藏篋置蠶其中投之路隅人或收之以去謂之嫁金蠶
鐵圍山叢談金蠶毒

始蜀中近及湖廣閩粵多有之常見福清縣有訟遭金
蠶毒者縣官治求不得蹤或獻謀取兩刺蝟八捕必獲
矣蓋金蠶畏蝟蝟入其家金蠶則不敢動雖匿榻下牆
罅果爲兩蝟擒出之亦可駭也

蜂

總論

化書蜂毒在尾垂類如蜂故謂之蜂

方言蜂

燕趙之間謂之蠓蜂或謂之蠓蜂

檀弓范則冠而蟬

有綏江范蜂也

石藥爾雅蜂一名羅又

清異錄温

庭筠句云蜜宮金翼使謂蠶也

道經蜂交則黃退

近蜂聞畧蜂採百花俱置翅間及股間惟蘭花則拱首

入房以獻于王物亦知蘭之貴如此

陰陽變化錄

花時一半守房一半分次撥發花少受罰莖花開時蝦
蟻所掠蜜螫所粘者十去其三每一百蜂往往有七十
回房如采花盛時十去其二爾博物志遠方諸山
蜜蠟處以木爲器開小孔以蜜蠟塗器內外令遍春月
蜂將生育時捕取得三兩頭著器中蜂飛去尋將伴來
經日漸益遂停器中玉壺清話唐太宗置蜂器中令
丁亥果覆射文果曰藹藹華華山中採花雖無官職
日兩衙山堂肆考蜜蜂朝夕排衙必羣聚喧鬧朝衙
畢方出採花供課晚衙畢則入房埤雅蜂有兩衙應
潮其主之所在衆蜂爲之旋繞如衛誅罰徵令絕藏有
君臣之義化書曰蜂有君臣禮也採取百芳釀蜜其房

如脾謂之蜜脾其王之所居疊積如臺語曰蜂臺蟻樓
 言蜂居如臺蟻居如樓也一名蟻蜂蟻生於蜜而天下
 之味莫甘於蜜莫淡於蠟蓋厚於此者必薄於彼理之
 固然也舊說蜂之化蜜必取區豬之水注之蜜房而後
 蜜成故謂之蠟者蜜之跡也 [王元之蜂記]凡取其蜜
 不可多多則蜂饑而不蕃又不可少則蜂惰而不作
 [陳藏器本草]諸飛虫著蜘蛛之網皆不能脫唯蜂不
 畏蜘蛛反擒而食之 [筆談]有蜘蛛為蜂所螫腹欲裂
 徐入草齧芋梗微破以瘡就齧處磨之良久腹消如故
 自後人有為蜂螫者按芋梗傳之則愈 亦胡糞 [洪範
 五行傳]秦昭王三十八年上郡大饑蜂食田苗 出續表

錄異宜欽聞人好食蜂兒狀如蠶蛹而瑩白大蜂結房
 於山林間大如巨鍾其中不知幾百層材人採時必以
 草衣蔽身以捍毒螫復以烟火逼散蜂母然後攀援崖
 樹斷其根一扇有蜂兒五斗或一石三分之一翅足具
 矣即入鹽酪炒之曝乾貯之寄入京洛以為方物 [抱
 朴子]軍行卒逢羣飛蜂及蝨虫若蜜蜂尤多者備藏伏
 之賊 [山海經]平逢山有神如人二首名曰嬌蟲是長
 蟹虫實惟蜜之廬 [郭璞注]嬌為蟹虫之長廬蜂所舍蜜
 亦蜂名 [蜂記]窠之始營必造一臺其大如粟俗謂之
 王臺王居其上生子其中或三或五不常其數王之子
 盡復為王矣歲分其族而去山此患蜂之分也以棘刺

關于王臺則王之子盡死而蜂不析矣。博物志諸方
山郡僻處出蜜蠟。蜜蠟所著皆絕巖石壁非攀援所及
唯於山頭以籃輿自懸下乃得之。蜂遂去不還。餘窠及
蟻著石者有鳥形小於雀。羣飛于數來啄之。比冬即盡
其處皆如磨洗。至春蜂皆還洗處結窠。如故年年如此。
初無錯亂者。人亦各占其平處謂之蠟塞。酉陽雜俎
南中多隔蜂窠。窠大如壺。常羣蟻。人土人取石斑魚。就
蜂側炙之。標於竿上。向日令魚影落其窠上。須臾有鳥
大如燕。數百互擊其窠。窠碎落如葉。蜂亦全盡。本草
雷敷曰。蠟房有四。一葦。蠟窠在樹間。內窠小。隔六百二
十六箇。其隔是葉。葦二石。蠟窠在人家屋上。色蒼黑三

獨。蠟窠如鷲。明皮厚。蒼黃色。四葦。蠟窠入藥。以草蠟窠
為勝。荆州圖經。赤馬山有蜜房。二百所。羅綴相望。因
名曰百房。清異錄。蜂窠曰。一。樓臺。本草。百穿蜂
房別名。

蜂記。蜂。王其色青蒼。差大于常蜂。無毒。陰陽
變化錄。蜂每歲三四月則生。黑色。蜂名曰將蜂。又名柑
蜂。蜂王乃相蜂所生也。相蜂不能採花。但能釀蜜。益無
此蜂不能成窠。至七八月間。相蜂盡死。相蜂如不死。則
羣蜂饑。俗謂相蜂過冬。蜂族必空。蜂王大如小指。不整
蜂無王而盡死。有二王而即分。分蜂之時。多老王遜位
而出。所分之蜂均擊其半。未嘗多寡。從王而出者。未嘗

名。故。見。原。卷。九。上。昆。蟲。類。蜂。

復回王之所在蜂不螫人飛止必環衛蜂王皆有隊伍
行列事物紺珠蜜母色黑正月且為蜜蜂則行諸山
求安處羣蜂隨之蜜母暮還入峰中格物總論蜜蜂
三種一種在林木上作房一種在人家作窠其蜂甚小
微黃蜜皆濃美一種黑色似蜜作房巖崖高峻之處非
人跡可到其蜜名石蜜又名崖蜜人以長竿刺出多者
至三四石味酸色綠比他蜜尤勝蜂穴居者最大一名
蝥蠱尾能螫人蟬史蜜蜂即人所養之蜂也山間亦
有之其子未化頭足如蛹服之令人好顏色卑雅方
言曰其大而有蜜謂之壺蜂即今黑蜂蓋亦釀蜜楚辭
所謂赤蟻若象玄蜂若壺者也黃蜂亦其一種無蜜織

長其窠仰綴於屋銜漆以固其蒂陰陽其尾喜合未端
有岐者壯銳者壯也正字通胡蠶黑色一名壺蠶一
名馮瓢蠶一名玄馮蠶皆因形命名大黃蠶色黃馮瓢
蠶色黑五雜俎山蜂螫人皆復引其芒去惟蜜蜂螫
人芒入人肉不可復出蜂亦尋死傳言尹吉甫後妻取
蜂去毒繫衣上以誘伯奇即此也余在楚長沙見蜜蜂
皆無刺玩之掌上不能螫入與蠅無異又可怪也爾
雅土蠶法今江東大蠶在地中作房者為土蠶啖其子
即馬蠶正字通土蠶穴居作房赤黑色最大一名蜚
零荆巴間呼為蠶蠶人中土蠶螫至死蟬史沙蜂似
土蜂而小黃蜂而大冬在人家屋上作房大者如窠小

者如斗如壺毒亞于土蜂
爾雅木蠹註似土蠹而小
 在樹上作房江東亦呼為木蠹又食其子
山堂肆考
 郭璞云穿木蜂黑色在人家簷椽間穿穴如刀錐所鑽
 能螫人又一種黑蜂穿竹作孔者名筒師一作雷師俗呼鑽
 竹蜂蜂如小指有黃甲甲下有翅穴竹為巢不螫人不
 穿木有蜜如稠糖又有半舌蜂西陽雜俎蜀中有竹
 蜜蜂好於野竹上結窠大如雞卵有帶長尺許窠與蜜
 竝紺色可愛甘倍於常蜜又有蜂狀如蠟蜂稍大飛勁
 疾好圓裁樹葉卷入木竅及壁罅中作窠段成式嘗發
 壁尋之每葉卷中實以不潔或云將化為蜜物類相
感志赤翅蜂出嶺南形如土蜂翅赤頸黑穿土為窠食

蜘蛛南蠻記寧州沙中有折腰蜂岸崩則峰出土人
 燒治以為琥珀本草獨脚蜂黑色一足連樹根不得
 去出嶺南五月採之治癰疽燒此蜂研末和油塗之良
 又華蠶山中火黃蠶也五侯鯖火蜂其狀如蠶物
類相感志蠶蜂南土汾海陽春郡生此出虫附橄欖樹
 雖有首足與木葉無異鳴則自呼土人取者先伐小樹
 候樹葉凋而取之又說此虫形如樹葉色以帶紅無頭
 足欲取之採盡其葉分堆而聽其鳴旋分堆若至數伺
 其鳴方得之士人藏於篋笥中以鳴聲之清越則吉若
 濫濁則凶卜一家之禍福或云有賁行遇蠶毒為害必
 鳴也正字通獨蠶俗名七里蠶毒最猛人馬被其螫

立亡

格物論蜂。蜂巢在囊鼻蛇穴下故毒螫倍諸蜂

舊中于足嚼斷落中心胸則北裂方不能療須持禁制

之五雜組江南山谷中有黑蜂大如螻蛄能螫殺人

俗云七枚能殺一水牛庶物異名疏土宿大蜂駱各

小蜂見周處風土記嚙斷其翅使塘土以廣其室觀其

穴口聚土多知其處貧人掘其子煮而食之莊子庚

桑楚篇奔蜂不能化藿蠹註奔蜂小蜂也列子天瑞

篇純雌其名樵蜂

蜂黑色喙若鋸長三分餘夜入人耳鼻中斷人心繫

拾遺記周武王伐紂夜濟河有大蜂狀如丹鳥飛集王

舟酉陽雜俎龍門寺庭多古桐有異蜂大如鵲吟花

間僧異之網一枚置籠中翌日又一大蜂尋至籠邊曰

孔昇翁為益不祥頌記否又曰君已除死籍何懼又曰

子與青桐君奕勝獲琅玕紙君出為我寫星子詞僧密

聽之乃放之杜陽雜編鸞峰蜜貞元中吳明國所貢

云其蜂之聲有如鸞鳳而身破五彩大者可重十餘斤

為窠於深巖峻嶺間大者占地二三畝國人採其蜜不

過三二合如過度則有風雷之異若誤螫人則生瘡以

石上菖蒲根傳之即愈其蜜色碧常貯之於白玉椀表

裏瑩徹如碧琉璃五侯鯖大蜂出崑崙一丈長其毒

殺象

蝶

格致鏡原卷之六

廿三

總論 蝶粉翅有鬚一名粉蝶 續古今注蜂

蝶之類無非皆以鬚嗅鬚蓋其鼻也 太平清話蝴蝶

絡緯蟋蟀以鬚交 道經蝶交則粉退 廣博物志梁

山有漢武帝廟至今祭時有蝴蝶一二百降祠所饗其

食近之不驚徹饌然後羣去時謂武帝侍從捉之者病

一山堂肆考俗傳大蝶必成雙乃梁山伯祝英臺之魂

又曰韓憑夫婦之魂 酉陽雜俎蛺蝶尺蠖繭所化也

秀才顧非熊少時嘗見鬱棲中環綠裙幅旋化為蝶

搜神記木蠹生蟲羽化為蝶 莊子至樂篇陵舄得鬱

夢則為鳥足鳥足之根為瘳糟其葉為蝴蝶 陸龜蒙

甫里集橘之蠹大如小指首負特角身蹙蹙然類蝨蟻

而青翳葉仰齧如饑蠶之速人或振觸之輒奮角而怒

氣色桀驚一旦視之凝然弗食弗動明日復往則蛻為

蝴蝶矣力力拘拘其翅未舒襜黑繡蒼分朱間黃腹瑱

而楠綏纖且長如醉方寤附枝不揚及明日往則倚薄

風露攀緣草樹聳空翅輕瞥然而去或隱蕙隙或留篁

端翩旋軒虛颺曳粉拂甚可愛也 埤雅嘗見園蔬其

葉有為蝶者三分二已蝶矣其一尚葉也 酉陽雜俎

張周封言百合花合之泥其隙經宿化為大蝴蝶 合

璧事類進士段頤常識南孝廉者善斲膾殼絲縷輕可

吹起操刀響捷若合節奏因會客銜技先起魚架之忽

昆蟲類

蝶

暴風雨雷震一聲鱗悉化為蝴蝶飛去南驚懼遂折刀誓不復作
 [天寶遺事]明皇春時使妃嬪插花親放蝶隨其止幸之
 [誠齋詩話]東京二月十二日曰花朝為撲蝶會
 事物紺珠宋雍熙中京師人被竹為細縷以五色紙為蝴蝶綴其杪兩兩相對手撚之相飛觸曰鬪蝴蝶後河朔頻歲用兵
 [馮登陸苑叢談]咸通中進士張綽有道術人或名飲合意則索紙剪蛺蝶三二十枚以氣吹之成列而飛如此累刻以指收之俄皆在手
 [名蝶] [莊子]胡蝶胥也 [注]蝶一名胥 [古今注]蛺蝶一名野蛾一名風蝶江東呼為撻末一作來色白背青者是也其大如蝙蝠者或黑色或青斑名曰鳳子一名鳳車

名鬼車生江南柑橘園中 [酉陽雜俎]劉魯封云見滕王蝶圖有名江夏斑大海眼小海眼林裏來採花子 [採蘭雜志]蛺蝶一名春駒 [清異錄]温庭筠句云花賊玉腰奴謂蝶也 [寧波志]吳中有花蝴蝶橘蠹所化也婦孺以梁山伯祝英臺呼之今士人呼黑而有彩者曰梁由伯純黃色者曰祝英臺 [丹鉛總錄]蝴蝶或白或黑或五彩皆具惟黃色一種至秋乃多蓋感金氣也 [北戶錄]段公路南行歷懸藤峽維舟飲水觀岩側有一木五綵初謂丹青之樹命僕採獲一枝尚綴軟蝶凡二十餘箇有翠縹縷者金眼者丁香眼者紫斑眼者黑花者黃白者緋脰者大如蝙蝠者小如榆莢者因登岸

視之乃知木葉化焉 西陽雜俎 衛公得蛺蝶中蝴蝶翅

濶四寸餘深褐色每翅上有三箇金眼 珍珠船 黑

蝶大如蝙蝠橋蠹所化北人或名玄武蠅鬼蛺蝶大如

扇四翅好飛荔枝上 南方草木狀 南海有鶴草上有

蟲老蛻為蝶赤黃色女子藏之謂之媚蝶能致其夫漆

愛 北戶錄 常見盧肇說捉得一粉蝶如兩手大上有

散綠點丁香眼前翅頭兩畫臘脂色後翅為燕尾分亦

蝶之異也 羅浮山志 山有蝴蝶洞在雲峯巖下古木

叢生四時出綵蝶廿傳葛仙遺衣所化 稽神秘苑 劉

子卿居廬山有五綵雙蝶遊花上其大如燕後化二女

來合歡 嶺南異物志 嘗有人遊南海泊于孤岸有物

如蒲帆飛過海將到舟舟人競以物擊之如帆者盡破
碎墮地視之乃蛺蝶也海人去其翅足稱之得肉八十
斤噉之極肥美

蜻蛉

埤雅蜻蛉飲露六足四翼其翅輕薄如蟬晝取蚊蟲食

之遇雨即多好集水上款飛尾端亭午則亭一名蜻蛉

說者以為五月五日取其首正中門埋之皆成青珠故

類從口蜻蛉之首瘞而為珠也 本草會編 蜻蛉乃水

蠶所化水蠶既化蜻蛉相交還于水上附物散卵出復

化為水蠶水蠶復化焉 七修類藁 蜻蛉貼水飛時以

尾蘸水中杜詩所謂點水蜻蛉款款飛是也然不知點

水者乃生子也既遺水中青鮪魚食之腹脹盈蟲噬母腹而出身似蟬而小名曰蝦蟇蟲及蛻始為蜻蜒山堂肆考蜻蜒或云稻田間青蟲所化一種最大者京師呼為馬大頭庚辰雜抄有大龍蛻于太湖之湄其鱗甲中出蟲頃刻化為蜻蜒朱色人取之者病瘡今人見蜻蜒未色者謂之龍甲又謂之龍孫不敢傷之爾雅疏蜻蜒一名虹蛻一名負勞江東呼狐梨淮南人又呼蠓蚺字林云一名桑根陶注本草云一名蜻蜒是也淮南子水蠶為蠓注蜻蜒也高誘呂覽注蜻蜒小蟲四翅細腰一名巨宿方言蜻蜒謂之卿蛉古今注蜻蜒一名青亭巴青而大者是也小而黃者曰

一一名明黎小而赤者曰赤卒一曰絲縵一名赤衣使者海錄作青弁一名赤弁丈人緋蝶一名蜻蛉似蜻蛉而色玄紺江東人呼為紺幡亦曰童幡亦曰天鷄好以七月羣飛暗天海邊夷貊食之謂海中青鰕化為之也陶隱居本草注蜻蜒一名諸乘有赤黑青黃不同其爾雅翼蜻蜒鄱陽人呼江鷄物類志蜻蜒身綠色者雄腰碧色者雌清異錄後唐宮人或網獲蜻蜒愛其翠薄遂以描金筆塗翅作小折枝花子金線籠養之爾後上元賣花者取象為之售於遊女

蠅 附蠅虎

淮南子爛灰生蠅類從蠅生於灰蠅值水溺死以置

各文鏡秘府論卷之六 昆蟲類 蠅

灰中須臾即活。方言蠅東晉謂之羊陳楚之間謂之蠅。埤雅蠅好交其前足有絞繩之象亦好交其後足搖翅自扇故爾雅曰蠅醜扇也。酉陽雜俎其類有蒼者聲雄壯負金者聲清聒其聲在翼青者能敗物巨者頭如火赤頭者號為景跡。埤雅青蠅善亂色蒼蠅善亂聲青蠅首赤如火背若負金蒼蠅又其大者肌色正蒼今俗謂之麻蠅。酉陽雜俎麻蠅茅根所化其色正蒼。山堂肆考蒼蠅多生于葉間卷葉作房久則小蟲蛻為蠅。雜俎青蠅糞尤能敗物雖玉猶不免所謂蠅糞點玉是也。孔六帖段成式讀書有蠅隱字偶拂殺一取視之翼甚似蝴蝶甚似蜂。山堂肆考山峽

中有一種小黃蠅生毒蛇鱗甲中出齒人初不覺漸癢搔即為瘡。事物紺珠狗蠅赤色似蒼蠅而扁冬藏狗耳。齊東野語狗蠅能治痘瘡危症。白一符堅將赦屏人作赦文有大蠅赤頭聲甚厲入室驅之復來俄而人皆知有赦書於是詰其所得皆云有青衣童子呼於街中堅曰是前青蠅也。酉陽雜俎術士相郭代公若青蠅拜賀方能及第公疑之及登科訖歸坐家庭有蠅作人行立約數萬折躬者三良久乃去。玄怪錄毗陵滕庭俊之洛調選暮宿一道旁在家有老父自稱麻大一時不見傍有大麻蠅而已。酉陽雜俎太和七年忽有蠅蔽天如蝗止三日河陽界經旬方散。孔六帖唐

各款蠅類
昆蟲類
蠅
蠅虎

鄭注敗褚中藥化為蠅數萬飛去

蠅虎 中華古今注蠅虎蠅狐也形似蜘蛛而色灰白

善捕蠅一名蠅蝗一名蠅虎子 山堂肆考蠅虎一名

蠅豹似蚰蜒而無網絡身黑色背邊有雙肉爪攫蠅而

食兩目似虎炯然有光 淮南萬畢術以五月五日取

蠅虎杵碎拌豆豉自踴躍可以擊蠅 杜陽雜編倭國

人韓志和嘗于穆宗皇帝前懷中出一桐木合子方數

寸中有物名蠅虎子數不啻一二百焉其形皆赤云以

丹砂啗之故也乃分為五隊令舞京州上令召樂工以

舉其曲而虎子盤旋宛轉無不中節每遇致詞處則隱

蠅聲及曲終纍纍而退若有尊卑等級志和臂虎

子於上前獵蠅於數百步之內如鷄捕雀罕有不獲者

蛾

說文 蛾蠶化飛蟲也 博物志食桑者有緒而蛾凡蛾

類皆先孕而後交蓋蛹者蠶之所化蛾者蛹之所化也

蛾一名羅蛹一名蠅 鄭景璧劇談錄麥之為蛾乃自

無知為有知一夕變化紛然如飛塵 廣志有蠶蛾有

天蛾凡草木蟲以蛹化為蛾甚眾 古今注蛾似黃蝶

而小其眉勾曲如畫故詩言蛾眉 拾遺記燕昭王取

絲桂之膏然以照夜忽有飛蛾銜火狀如丹雀來拂于

桂膏之上此蛾出於員邱之穴憑氣飲露飛不集下羣

仙殺此蛾合丹藥西王母與羣仙遊員邱之上聚神蛾

以瓊筐賦之使玉童負筐以遊四極來降燕庭出此蛾
以示昭王王曰今乞此蛾以合九轉神丹王母弗與
古今注飛蛾善拂燈一名火化一名慕光 埤雅飛蛾
一名文蛾 丹鉛總錄俗傳燈蛾螢火所化故慕光
事物紺珠飛蛾又名霜蛾 俞成螢雪雜說落霞與孤
鶩齊飛落霞者乃飛蛾也非雲霞之霞土人呼為霞蛾
鶩者野鴨也野鴨飛逐蛾蟲而欲食之所以齊飛若雲
霞則不能飛也見吳獬事始

螢

記月令季夏之月腐草為螢 格物總論螢是腐草及
爛竹根所化初猶未如蟲腹下已有光數日便變而能

飛生陰地池澤常在大暑前後飛出是得大火之氣而
化故如此明照也 埤雅螢夜飛腹下有火秋陰數雨
螢火夜飛之時也今西北多螢大者如棗行而有光毛
詩傳曰熠燿燿也燿螢火也先儒以為老槐生火久血
為燿燿非螢火誤矣蓋燿者火之微名故此兩者通謂
之燿 爾雅螢火一名即熠 呂氏本草螢火一名夜
照一名救火一名據火一名挾火 古今注螢火一名
燿夜一名輝夜一名景天一名熠燿一名燿一名丹鳥
一名夜光一名霄燿一名丹良腐草為之食蚊蚋 錢
氏詩話詩熠燿宵行宵行蟲名熠燿其光也如後章倉
庚子飛熠燿其羽亦是此義不應指為蟲名 大戴禮

丹鳥羞白鳥注丹鳥者丹良也凡有翼者爲鳥青箱
雜記夜遊女子螢火也此伏尸之精燒香辟之若入人
家其色青者吉紅者有禍殃崇有論螢無胃而有
淮南萬畢術螢火却馬注取螢火裹以羊皮置土中馬
見之鳴却不敢行北史煬帝于景華宮徵求螢火得
數斛夜出遊山而放之光徧岩谷拾遺記玉梁有螢
火大如蜂聲如雀八翅六足成應元事統軍循好學
常聚螢光讀書時值風雨循嘆曰天不遣我成其志業
耶言訖有大螢傍書窗北常螢數倍讀書訖卽去其來
如風雨至七修類藁滁有魏生乘馬山行漸入於夜
隱隱見前途一物如金鏡燿燿有光殆迫馬首出由然

未去也意以爲祟舉鞭擊之應手墜地視之乃一大螢
耳

蝙蝠

方言自關而東謂之服翼或謂之飛鼠或謂老鼠或謂
之仙鼠自關而西秦隴之間謂蝙蝠北燕謂之蠟蠅
李氏本草蝙蝠上曰天鼠天中記仙經謂之肉芝
春秋運斗樞行失瑤光則伏翼兩頭竝翔廣江淮山瀆
之祠則瑤光明伏翼九足事物紺珠蝙蝠如鼠肉翅
晝伏夜動異物志鼉蝮魚因鼠入空木而化爲蝙蝠
變化自然論蝙蝠夜值庚申乃服神異秘經百歲
蝙蝠於人口吐服入精氣以求長生至三百歲能化形

為人飛遊諸天。幽明錄宋初淮南郡有物髣髴人髮太
守朱誕令多置繭以塗壁又有蝙蝠太如鷄集其上
不得去殺之乃絕觀屋簷下有數百人頭髻。吳婁
縣記太湖東邊洞庭山有三穴中有大蝙蝠如鳥拂致
人火。臨海記黃石山泄水東南五峴路口有鍾乳穴
中伏翼大如鷺鷥。玄中記百歲伏翼色赤止則倒懸
千歲伏翼色白得而食之使人神仙。抱朴子千歲蝠
蝠色如白雪集則倒懸腦重故也此物得而陰乾末服
之令人壽四萬歲。李白集余聞荊州玉泉寺近清溪
諸山山洞往往有乳窟窟中多玉泉交流中有白蝙蝠
大如鷄蓋飲乳水而長生也。仙踪張果是混沌初分

時白蝙蝠精。北戶錄紅蝙蝠出隴州皆深紅色雅翼
脉淺黑多雙伏紅蕉花間採者若獲其一則一不若南
人收為媚藥合媚藥載軟金鳥辟寒金龍子布穀脚脛
骨鵲腦砂稜莖草芍草左行草獨未見綠紅蝙蝠處豈
關載乎。拾遺記岱輿山有五色蝙蝠黃者無腸倒飛
腹向天白者腦重頭垂自挂黑者如鳥至于歲形小如
燕青者毛長二寸色翠赤者止于石穴。事物原始伏
翼尿日夜明砂。

蟬

禮記仲夏之月蟬始鳴。淮南子蟬無口而鳴
飲而不食三十日而蛻。真珠船余觀蟬兩脇下有乳

頃能振迅作聲謂以翼鳴非也 格物總論 蟬皆乘昏

夜方出土中升高處皆殼拆而所以夜出者一似畏入

之畏日炙乾其殼而不能脫也既登木而鳴但飲風露

亦不糞溺至時寒又復墜地 王充論衡 蟻蟻化為腹

有腹育轉為蟬生兩翼不類蟻蟻 酉陽雜俎 蟬未脫

時名腹育相傳言蛭蛭所化秀才韋勣莊在杜曲嘗冬

中掘樹根見腹育附於朽處怪之村人言蟬固朽木所

化也翹因剖一視之腹中猶貫爛木 物類相感志 稽

聖賦芴根為蟬注抱朴子曰有白然之蟬有苜菜莖芴

根土龍之屬皆化蟬今驗水澤巨樹處多水蟲登岸穴

有裂化出為蟬也 傳 蟻蟻近青龍鎮居民於江塗

中得蟹螯晚俱脫其形自若及熟烹去殼則將化為蟬

矣今觀蟬之首腹頗與蟹相類誠亦有是 古今注 牛

亨問董仲舒曰蟬為齊女何也答曰昔齊王后怨王而

死尸變為蟬登庭樹嘒啖而鳴故曰齊女 陸雲 寒蟬

賦蟬有五德頭上有綏則其文也含氣飲露則其清也

黍稷不享則其廉也處不巢居則其儉也應侯守節則

其信也 研北雜志 舊說閏年少蟬試之信然 荀子

耀蟬者務明其火振其木而已 南人 照蟬食 歲時雜

記都人上元作宜男蟬如蛾而大 放懷集 杜甫每朋

友至引見妻子韋侍御見而退使其婦送夜飛蟬以助

粧飾 清異錄 唐世京城遊手夏日採蟬貨之唱曰只

賣青林樂婦妾小兒爭買以籠懸窗戶間亦有驗其聲
長短為勝負者謂之仙蟲〔搜神記〕淮南內史朱誕
給使妻有鬼病夫疑為奸密闕見婦在機中織望桑樹
上笑見樹上有十四五小兒衣青布褶青縵頭乃射之
化為鳴蟬其大如箕飛去〔本草〕蟬蛻一名金牛兒
〔爾雅〕蟬〔註〕俗呼為胡蟬江南謂之蟬蛻〔夏〕
小正蠖之與五日翁望乃伏〔注〕蟬蟬蛻也
不知其生不知其死故曰興曰伏〔爾雅〕蟬一名蠖其首方廣有冠
似蟬而小鳴聲清亮一名蟬蛻〔爾雅〕蟬〔注〕夏小
正傳曰蟬蛻者五彩具〔方言〕蟬謂之蜩宋衛之間謂
之蟬蛻陳鄭之間謂之蟬蛻秦晉之間謂之蟬海岱之

間謂之蟬〔爾雅〕按詩云如蜩如蟬則蜩與蟬異實非
一物蓋蜩亦蟬之一種形大而黑昔人啖之禮有雀鷓
蜩范是也一名蟬謂其變蛻而蟬故曰蟬亦其通名
七修類藁蜩蟬之大而黑色者蛻螂脫殼而成雄者能
鳴雌者無聲今俗稱螂是也〔爾雅〕蜩馬蜩〔注〕蜩中
最大者為馬蜩〔格物論〕馬蜩五月鳴〔爾雅〕蟬〔注〕蟬
〔注〕江東呼為茅蟬似蟬而小青色〔方言〕蟬謂之茅
蟬〔正字通〕茅蟬分青紅二種在茅管中亦五月時鳴
〔物類相感志〕茅蟬生嶺南茅根上如蟬兩兩相向翼
俱全頭有冠如燈花三四月採取腹內如濕粉有便為
蟬取帶令夫妻相愛〔爾雅〕蟬〔注〕如蟬而小〔夏〕

小正鳴蜚一名虎懸。方言其小者謂之麥。禮音有文者謂之蜻蜻其雌謂之疋。大而黑者謂之螻。禮音。正字通。蜚即螻也。鄭注蜚。禮音。蟬似蜻蜚鳴無韻但扎扎然。卑雅一種似蟬而小綠色。北人謂之螻。額廣且深。即詩所謂螻首蛾眉是也。事物紺珠。音。似螻而細。二月鳴。爾雅。蜚。螻。螻。注。即蜚螻也。一名螻。齊謂之螻。楚謂之螻。秦謂之螻。自關而東謂之螻。勞音。或謂之螻。或謂之螻。格物論。螻。小而紫色。四五月鳴。卑雅。螻。夏。蟬也是。故不知春秋。按離騷曰。螻。蟬。鳴。兮。啾。啾。歲。暮。兮。不。自。聊。則。螻。蟬。亦。秋。蟬。矣。一曰。春。生。者。死。于。夏。夏。生。者。死。于。秋。故。曰。不。知。春。

秋也。按風土記曰。螻。蟬。鳴。於。朝。寒。蟬。鳴。於。夕。則。寒。蟬。蟬。又。為。兩。物。月令。寒。蟬。鳴。鄭注。即。寒。蟬。爾雅。蜚。寒。蟬。也。似。蟬。而。小。青。色。蔡邕。月令。鳴。則。天。涼。故。謂。之。寒。蟬。卑雅。寒。蟬。一。名。蜚。一。名。寒。蟬。其。生。折。裂。母。背。方。言。曰。黑。而。赤。者。謂。之。蜚。又。曰。螻。謂。之。寒。蟬。寒。蟬。瘡。蟬。也。即。今。啞。蟬。啞。蟬。初。瘡。及。得。寒。露。冷。風。乃。鳴。故。荔。菴。論。云。秋。風。至。而。寒。蟬。吟。正。謂。此。也。然。則。方。言。原。其。始。故。謂。之。瘡。蟬。今。雌。蟬。亦。啞。陶。隱。居。所。謂。啞。蟬。雌。蟬。也。不。能。鳴。者。然。與。寒。蟬。初。瘡。又。異。矣。格物論。寒。蟬。黑。而。偃。偻。九。月。十。月。鳴。甚。悽。急。七修類藁。鳴。於。秋。者。曰。寒。蟬。即。楚辭。所。謂。寒。蟬。也。今。秋。初。夕。陽。之。際。小。而。綠。色。聲。急。疾。

者俗稱都了是也。〔雷青日札〕菑蕘論云秋風至而寒蟬吟俗作蚰蟧非也。形小而青綠色聲接續而急疾多為水中黑殼蟲所化俗名蝦籠蟲乃蜻蛚以尾點水生子水草上而青鮪食之腹脹孕蟲噬破母腹而出身似蟬而小及蛻乃為蟬也。〔蜀中方物記〕蟬花出蜀中其蟬額上有一角如花冠狀謂之蟬花二川山林中皆有之蟬不蛻者至秋則花其頭長一、二寸黃碧色。

格致鏡原卷九十六終

格致鏡原卷九十七

昆蟲類二

蚊 附子子 焦冥 蟻 蚊

說文齧人飛蟲以昏時出也秦晉謂之蠲楚謂之蚊。蟬雅蚊有昏市蓋蠅成市於朝蚊成事於暮傳曰聚蠲成雷謂其市之時也。〔爾雅註〕鷓蚊母鳥也黃白雜文鳴如鷓聲此鳥常吐蚊因名。〔本草〕塞北有蚊母草葉中有血蟲化為蚊。〔嶺南異物志〕嶺表有樹如冬青實生枝間形如枇杷子每熟即拆裂蚊子羣飛唯皮殼而已土人謂之蚊子樹。〔金樓子〕白鳥蚊也齊桓臥柏寢謂仲父曰白鳥營營是必饑耳因開翠紗廚進之。〔荒

書蚊蚋小蟲之屬名曰諸趨古今注河內人呼蚊蚋為黍氏內典比丘患草蟲佛聽作佛子注草蟲昏蟲也又曰門下蟲東方朔傳郭舍人曰客從東方來歌謠且行不從門入踰我牆垣遊戲中庭一人殿堂擊之桓桓死者攘攘格鬪而死主人被創是何物也湖曰長喙細身晝亡夜存嗜肉惡燈為掌指所捫臣朔愚戇名之曰蚊舍人辭窮常復脫褲學雅蚊性惡烟以艾熏之則潰長喙如針善螫禽經蚊啄破於既秋燕山錄煮羊以醃煮鼈以蚊錄異記含毒者蚊蚋之屬江嶺間有之柳連界尤甚為客中者慎勿以手搔之但布鹽於上以物封裹半日間毒則解矣若以手搔癢不可

止皮穿肉穴其毒彌甚湘衡北間有之其毒稍可羣苑詳註湖州多蚊其中有豹脚者尤毒事物紺珠豹脚黑花蚊金幼孜北征錄元故都處有蚊如蜻蛉爾雅注蜻蛉井中小蛙蟻赤蟲一名子不爾雅南子子不為蟲注倒跋虫也爾雅翼子不足如縷長一二分生洿水中好屈信水上見人洗去久則蛻為蚊五雜俎子不今雨水中小蟲也其形短而屈羣浮水面見人則沉其行一曲一直若無臂然故名之子無右臂也不無左臂也一作子不音吉或作蛙蟻稍久則浮水上而為蚊矣

焦冥
晏子東海有蟲巢于蠹曉再乳再飛而蟲不為

各文鏡秘府論卷之七 昆蟲類 子不 焦冥 蟻蟻

驚東海漁者命曰焦冥。列子江浦之間生塵蟲其名曰焦螟羣飛而集於蚊睫弗相觸也棲宿去來蚊弗覺也。

蟻 神異經南方有蚊翼下有蜚蟲焉目明者見之每生九卵復未嘗有。

蟻 蟻復成九子蜚而俱去蚊遂不知亦食人及百獸食者此蟲既細小因曰細蟻陳章對

齊桓公小蟲是也此蟲長春生以季夏藏于鹿耳中名

嬰媿亦細小也。列子蟻蠓生于朽木之上。埤雅小

蟲似蝟亂飛者也一名醯雞。列子曰醯雞生于酒又曰

食醯願輅生于食醯黃軟食。醯願輅即蠓是也。郭璞曰

蠓飛醴則天風春則大雨言蠓蠓將風則旅飛如醴一

蠓

上一下如春則雨矣然其圖贊又曰風春雨禮二說不

同。山堂肆考醯雞一名蚰。

蚰 列子蚰因雨而生見陽而死。埤雅蚰喜亂飛似

蚊而小望之如霧荀子所謂醴酸而蚰聚者也因雨而

生與蚊實異一名蝻。元稹長慶集蚰之小而黑者

名蝻子微不可見與塵相浮上下者名浮塵子皆伏

蛇鱗中能透衣入人膚成瘡毒搗葉汁傳之瘡。

異記峽江至蜀有蝻子色黑亦能咬人毒亦不甚頑其

生處即懸鹽樹葉背。上春間生之葉卷成窠大如桃李

名爲五倍子治一切瘡毒收者曬而殺之即不化去不

然者必竅穴而出飛爲蝻子矣黔南界道微塵色白甚

小視之不見能晝夜害人雖幃帳深密亦不可斷以蠱
茶燒之烟如焚香狀即可斷之又如席鋪油帔隔之稍
可滅溪蠻叢笑蠻地有蠱極細拭目難觀黑點著身
抓搔不可耐名鷄末子。

蠱

山堂肆考蠱有數種皆能啖牛馬血木蠱最大而綠色
今呼爲王蠱又呼爲舍命王蠱蠱狀如蜜蜂黑色又一
種小蠱名鹿蠱大如蠅或云木蠱無子一名魂常爾
雅翼大曰蠱小曰蠱集異志晉惠帝元康中洛陽南
山有蠱作聲曰韓尸尸長慶集巴蜀春秋間常雨五
六月至八九月道路多蠱羣飛醫人北征錄北鹵長

樂鎮草間有蠱大者如蜻蜒拂人面嘍嘍西陽雜俎
水垣南中水溪澗中多此蟲長寸餘色黑夏深變爲蠱
螫人甚毒

蠱附蚤

說文蠱齧人蟲也蟻蝨子也季商隱蝨賦亦
氣而孕亦卵而成晨鷺朝鶴不知其生汝職惟齧而不
善齧回臭而多跣香而絕阮籍大人先生傳獨不見
羣蝨之處禪中逃乎深縫匿乎壞絮自以爲吉宅也行
不敢離縫際動不敢出禪自以爲得繩墨也問答
錄東坡閒居日與秦少游夜宴坡因捫得蝨乃曰此是
垢賦所生秦少游曰不然綿絮成耳相辨久而不決相

謂曰明日質疑佛印及酒散少游竟往扣門謂佛印曰
 適與坡會因辨虱之所由生吾師明白可答生自綿絮
 容勝後當作飢不 指會既去坡復至以前事言之今
 答以虱本生於垢膩許作冷淘明日果會佛印曰此易
 曉耳乃垢膩為身絮毛為脚先喫冷淘後喫飯二公
 大笑具宴為樂 潛確類書 蝨一名丹鴻 南楚新聞
 唐司空李蟻始名虱赴舉之秋偶自題名於屋壁經宵
 忽覩名上為人添一畫乃成虱字矣蟻曰虱者蟻也遂
 改名蟻明年果登第 山堂肆考 宋道君北狩至五國
 城衣上見蝨呼為琵琶蝨以其形類琵琶也 墨客揮
 犀王荆公入朝虱緣髮上止顧而笑朝退主馬主戲曰

屢游相鬚曾經御覽 談苑 虱不南行陰類也其性畏
 火置之物上隨其所向以指南方俄即避之若有知也
酉陽雜俎 取病者虱于牀前可以卜病將瘥虱行向
 病者背則死 邵氏錄 呂晉伯云除虱法吸北方之氣
 噴筆端書欽深淵默漆五字置之於牀帳之間即盡除
 呂公正直非妄者 五雜俎 治頭虱者以水銀揉髮中
 其大要在掃灑沐浴而已久病者忽無蝨必死其氣冷
 也 千金方 有人齧蝨在腹中生長為癥能斃人用敗
 簾敗梳各一半燒末一半煮汁調服蝨从下部出 酉
 陽雜俎舊說蝨蟲飲赤龍所浴水則愈蝨惡水銀人有
 病蝨者雖香衣沐浴不能已惟水銀可去之道士崔白

言荆州秀才張告嘗捫得兩頭虱又有草生山足濕處
葉如百合對葉獨莖莖微赤高一二尺名虱建草能去
蟣虱 蟬史蝨最忌水銀銀珠以二物熏之絕跡 雞
肋編汝陰尉李仲舒漢臣山陽人平生戒殺置蝨於綿
絮骨筒中久亦饑死有人教放青葉草上經宿沾霧則
爲青蟲飛去祖之信然皆拆背而化 鄭榮傳信記無
畏三藏飲酒食肉言行麤易律師不說嘗令宿於戶外
律師中夜捫蝨投牀下無畏卽呼曰撲殺佛子律師異
之 清異志揚州蘇隱夜臥聞被下有數人齊念阿房
宮賦聲急而小急聞被視之無他物惟得蝨十餘其大
如豆殺之卽止 列子紀昌學射于飛倫以鼈懸虱於

牖南面而望之旬月之而浸大也三年之後如車輪焉
乃以燕角之弧朔蓬之箭射之貫蝨之心而懸不絕飛
衛曰汝得之矣 韓子三虱在豕上相與語一虱曰奚
說一虱曰爭肥饒者又一虱答曰肥豕不度臘相與聚
食其瘦者人乃不殺也

抱朴子頭蝨著身皆稍變而白身蝨處頭皆漸
化而黑 莊子濡需者豕蝨是也擇疏鬣自以爲廣宮
大圍奎蹄曲隈乳間股脚自以爲安室利處不知屠者
之一旦鼓臂布草操烟火而已與豕俱焦也 蟬史醫
家取水牛蝨發疔荳瘡又韓詩胡麻撮狗蝨蓋以胡麻
似狗蝨也雞蝨極細難見人呼爲雞翁蟲伏雌夏月多

有之 五雜俎 閩有龍蝨者飛水田中與竈蟲分毫無別 泉南雜志 龍虱如牛糞上蟲似黑而薄劈殼食之小有風味 五雜俎 壁虱閩中謂之木虱多杉木中所生治者以麥藁燒灰水淋之江南壁虱多生木中惟延緩生土中遍地皆是也入夜則緣牀入幙嚙人遍體成瘡雖徙至廣庭懸牀空中亦自空飛至南人至其地輒宛轉叫號不可耐無計以除之也 事物紺珠 壁虱一名壁虱扁小褐色歿而齧人 山堂肆考 身扁而臭不能跳善齧人者名曰交蚤又名扁蝨 錄異記 壁虱者十蟲之類化生壁間暑月齧人其瘡雖愈每年及期必發數年之後其毒方盡其狀與牛虱無異此都廐中之

馬忽相次瘦劣致斃所損日甚莫知其疾之由掌廐獲罪者已數人有一裨將幹敏多識俾其掌廐馬旬月之後馬之瘦斃如故乃明燭以守之二鼓後馬皆立不食黑者變白白者變黑秉燭以視諸馬之上有物拊之不可勝數乃壁虱也五鼓後壁虱皆去一道如繩連亘不絕翌日尋其去蹤于樓中得巨穴焉以湯灌之得壁虱死者數十斛穴中大者數尺形如琵琶金色焚而殺之築塞其處其患乃絕 七修類藁 山西按察司去城不遠城外有中官之莊成化間看莊者每黃昏昧爽之時見一物如小輪困狀暮飛入城司獄司中晨則飛過莊山之後不知所向一日特蹤跡其處見山穴中壁虱盈

穴可三五石意虱不能飛也且殺之以試遂以沸湯灌
死晚則輪囷之物無矣始信其虱之飛入獄中以咀人
日則潛形山中也予嘗以北京多虱畏之者以牀置室
中央水春戴其足虱不能至矣然猶羣聚於梁以下之
觀此則入獄之事有之矣况物衆有神是亦可以飛也
〔錄異記〕譚袁處吉等州有沙虱即毒蛇甲中蟲也細
不可見夏月蛇爲蝨所苦倒掛身子江灘急流水處刷
其虱或以沙中碾虱入沙行人中之所咬處如針孔粟
粒四面有五色文卽其毒也得術士禁之乃剗其少許
肉因以生肌膏救治之卽愈不爾兩三日內卽死一名
蝨蠶 淮南萬畢術沙虱一名蓬活一名地肺 〔本草

經沙虱一名石蠶 〔抱朴子〕沙虱雨後及晨暮踐沙必
著人如毛端初著人便入皮裏可以針挑取之色正赤
如丹如不挑便行入身中殺人行此蟲之地每還當以
火自灰令徧則蟲隨火去也水陸皆有之 〔事物紀原〕
竹虱初如粉塗竹葉上久乃能動百十爲曹 〔蟬史〕竹
蝨如人蝨而白色多生桃紫竹上其屎成團如粟飢懸
竹籬間人取而洗烹而食之甚益人 〔蟬史〕水蝨一名
魚蝨似人蝨而大長寸許生水水中能化蜻蛉 〔六書故〕
扁蝨著牛馬食其血產薦蓐間者差小嗜人膚俗謂薦
蝨亦曰菱蝨

〔山堂肆考〕蚤齧人蟲也黑色善跳俗云蚤生積灰

亦有雌雄小雌大俗呼為**疣蚤**或曰**布谷鳥**所吐如蚊母之吐蚊也故三月蚤多至四五月漸衰格物總論蚤出於塵土間或以為蟻化五雜俎治蚤者以桃葉煎湯澆之蚤盡死聞見錄以芸香置蓆下即去蚤

蠹

格物總論蠹食木蟲又一種曰蟬衣書中蠹蟲爾雅疏衣書中蟲一名蟬一名白魚一名蜉魚本草謂之衣魚是也酉陽雜俎壁魚補闕張周封言嘗見壁上白瓜子化為白魚因知列子言朽瓜為魚之義北夢瑣言唐張昺子少年聞說壁魚入道經函中因蠹食神仙

字身有五色人能取壁魚吞之以致神仙而上昇張子惑之乃書神仙字碎剪入于餅中捉壁魚以投之冀其蠹蝕亦欲吞之遂成心疾原化記建中末書生何諷嘗買得黃紙古書一卷讀之卷中得髮捲規四寸如環無端諷因絕之斷處兩頭滴水升餘燒之作髮氣諷嘗言於道者道者曰據仙經云蠹魚三食神仙字則化為此物名曰脉望夜以規映當天中星使立降可求還丹取此水和而服之即時換骨上昇因取古書閱之數處蠹漏尋義讀之皆神仙字諷方嘆伏漢書文帝賜尉佗書衣物佗因使者獻桂蠹一器注應劭曰桂樹中蝎蟲也師古曰此蟲食桂故味辛而漬之以蜜食之也

各友覽錄卷九十一 見蟲類 蠹

大業拾遺錄桂蠹紫色香辛有味啜之去陰痰之疾
花木考桂蠹形如新生小鼠產于桂樹偷食蜂蜜人以
入口即化為蜜甘香甚奇陸龜蒙蠹化福之蠹犬如
小指首負特角身蹙蹙然類蝥蟻而青翳葉仰齧與饑
蠶之速不相上下人或根觸之輒奮角而怒山堂肆
考桑蠹去氣桃蠹辟鬼柘蠹糞破血樹蠹亦可入藥
本草蘆蠹虫治小兒飲乳吐逆狀如小蠶蓼蠹虫生蓼
枝中黃身黑嘴作羊羶氣形似螟五雜組嶺南屋柱
多為蠹蠹入夜則齧聲刮刮通昔攪人眠山堂肆考
蚌蠹人家屋中蠹也似蠃而大正白色蠹食椽棟如鋸
開薄片層層可揭最畏上鼈及鴿鳥蓋其氣相制耳夏

日南風起時則悉脫殼生翅如蠶飛出山堂肆考伊
洛間水底石下有蟲如蠶亦解放絲連綴小石如蘭春
夏羽化作小蛾水上飛名石蠹蟲一名石下新婦周
禮剪氏掌除蠹物以攻榮攻之以莽草熏之事林廣
記五月五日取蒿芭頭廚篋中辟蠹蛙七月七日收角
蒿置蠶壽書籍中可辟蛙九月九日收茱萸撒置廚篋
中亦可辟蛙青蒿子採置應切盛貯器物中極能辟蛙
樟腦燒燻衣篋簾席之類可去壁虱蛙蟲

爾雅疏蝮一名毛蠹即載也說文云載毛蟲今俗呼為
毛載有毒螫人雨航雜錄載者螫人蟲也身扁綠色

昆蟲類 蠹 載

似蠶而短無足有毛。稗談載常在林間花葉背不知者輒爲所刺故名林蠶。王逸九思載緣兮我裳注伏花葉背欲老則吐汁自裹久漸堅凝如巴豆大就其中作蛹謂之姑蠶房。爾雅蠹姑蠶注載屬也今青州人呼爲姑蠶。本草姑蠶房名雀兒飯。雀好食其穢中子。蠹蟲作繭形如甕俗呼雀癩聲相近也。生石榴樹者名天漿子。天漿乃甜榴名也。生棘枝上者名棘剛子。一名躁舍。

蠹

詩義疏蠹一名杜。伯幽州謂之蠹。常爲蝸牛所食以迹規之不能去人以氣呵之亦不能動。詩小雅卷髮如

蠹毛傳蠹尾末似婦人髮末曲上卷然。本草蠹毒在尾。通俗文長尾爲蠹短尾爲蠹。本草蠹繁小者名蠹。太平廣記潤州金壇縣大曆中有北人爲主簿以竹筒齎蠹十餘枚置於廳事之樹後遂孳育至百餘枚爲土氣所蒸而不能螫人。南民不識呼爲主簿蟲。酉陽雜俎鼠負蟲巨者多化爲蠹。蠹子多負于背嘗見一蠹負十餘子子色猶白纔如稻粒又嘗見張希復言陳州古倉有蠹形如錢螫人必死。舊說人過滿百爲蠹所螫蠹前謂之螫後謂之蠹。五雜俎蠹孕子在背長則剖背出而母死此亦梟破鏡之類也。搜神記安陽城南有亭宿者輒死有書生入亭宿明掘得老蠹大如

琵琶。毒長數尺。亭遂安靜。鄴幾雜誌。都下弄蠍尾有
五毒者。三毒者云。城西剝馬務。蠍食馬血。尤毒。屢有螫
死者。五雜俎。蠍尾者。殺人。余初捕得蠍。輒斬其尾。
縱之後。以語人。一客曰。若斷尾。復出。卽成雙尾。害不淺
矣。後乃殺之。潛確類書。蠍能食蠍。故蜥蜴一名蠍
虎。方書中。蠍螫者。以蠍涎塗之。或以本椹合之。痛立
止。本草。陶隱居曰。蠍有雌雄。雄者。螫人痛止。一處雌
者。痛卒。諸處雄用。井泥傳之。雌用。瓦屋溝上泥傳之。
五雜俎。京師多蠍。近來不甚復見。惟山東平陰陽穀等
處。最多。遇其螫時。發巨石。下動得數斗。小民亦有取以
爲餅者。相傳爲蠍。螫者忍痛問人曰。吾爲蠍螫。奈何。答

曰。尋愈矣。便卽豁然。若叫號則愈。痛一晝夜。始止。關中
有天茄。可治蠍毒。養疴漫筆。耳暴聾者。用全蠍去毒
爲末。酒調滴耳中。聞水聲卽愈。

蜈蚣

廣雅。蜈蚣。蜈蚣也。埤雅。蜈蚣性能制蛇。卒見大蛇。便
緣而啖其腦。莊子曰。蜈蚣甘帶是也。今俗謂之百足。舊
說。蟾蜍食蜈蚣。蜈蚣食蛇。蛇食蟾蜍。三物相值。莫敢先
動。是亦騎虎之義。不得下也。墨子。百足之蟲。三斷不
蹶。物類相感志。蛇虺見蜈蚣。而蟠伏。蜈蚣當其前。似
施禁法。蛇卽爲之開口。蜈蚣入食其腸。復穴其旁而出。
抱朴子。南人入山。皆以竹管盛活蜈蚣。蜈蚣知有蛇。

各效。見蟲類。蜈蚣

之地便動作於管中如此則草中便有蛇也蜈蚣見蛇能以氣禁之蛇即死
〔三教珠英〕蜈蚣禁蛇蓋土勝水也
〔酉陽雜俎〕緱縣多蜈蚣大者能以氣吸兔小者吸蜥蜴相去三四尺骨肉自消
〔通志〕蜈蚣制蛇而畏蚯蚓每遇蚯蚓即不敢動蚯蚓以涎繞其足盡落
〔本草〕蜈蚣畏蛭蝓不敢過所行之路觸其身則蜈蚣死
〔圍山叢談〕嶠嶺多蜈蚣動長二三尺螫人求死不得然獨畏托胎蟲此蟲多延行并幹牆壁上蜈蚣雖大偶從下過托胎蟲必自落於地蜈蚣為拘縮不得行托胎蟲乃徐徐圍繞周匝蜈蚣愈縮然後登其首陷腦而食之以故人遭蜈蚣害者必取托胎蟲涎或生搗塗痛立止

〔南越志〕蜈蚣大者其皮可以鞣鼓取其肉曝為脯美于牛肉又云大者丈餘能啖牛里人或遇之則鳴鼓然火炬以驅逐之
〔葛洪賦〕蜈蚣大者長百步頭如車箱層裂取肉白如瓠
〔嶺南異物志〕珠崖人每晴明見海中遠山羅列如翠屏而東西不定悉蜈蚣也
〔臨海異物志〕晉安東南吳嶼山蜈蚣千萬積聚或云長丈餘者以作脯味似大鰕
〔紀聞〕唐杜暉使嶺南至康州見蜈蚣大如箏天寶四載廣州因海潮浮一蜈蚣死割其爪得肉一百二十觔
〔續博物志〕李勉在汴州得異骨一節可為硯云是蜈蚣脊骨
〔夷堅續志〕柳州種甘棠有光夜出柱上蟲穴中滿堂如月太守知異物集吏卒碎

柱乃大蜈蚣長亘柱腦中得珠大如鷲卵圓瑩光彩
五雜俎蜈蚣長一尺以上者則能飛龍畏之故常爲雷
擊一云龍欲取其珠也余親見人懸食器於空中者去
地七尺許一大蜈蚣盤旋窺伺無知之何良久於地下
作勢頭尾相就如彎弓狀一奮擲而上卽入器中矣

蜈

洪範五行傳蜈射入者也生於南越地南方謂之短狐
者也詩義疏蜈一名射影江淮水濱皆有之人在岸
上影見水中投人影則殺之故曰射影也南方人將入
水先以瓦石投水中令水濁然後入或曰含細沙射入
入人肌其創如疥卑雅蜈似鼈三足含水射人一日

含沙射人之影其瘡如疥一名射工一名溪毒有長角
橫在口前如弩檐臨其角端曲如上弩以氣爲矢因水
勢以射人故俗呼水弩春秋曰秋有蜈卽此是也然畏
鷲鷲能食之蜈之爲言惑也字說曰蜈不可得也故或
之今蟬螿湖人之影亦是類爾錄異記水弩之蟲狀
如蜺娘黑色八足鉗曳其尾長三四寸尾卽弩也常自
四月一曰上弩至八月卽之時彎其尾自背而上於頭
前以鉗射之見人影則射中影之處人身隨有瘡腫大
小與沙虱之毒同矣速須禁氣制之剷去毒肉固保其
命不爾一兩日死矣博物志江南山谿中有射人蟲
長一二寸口中有弩形氣射人影隨所著處發瘡不治

格致鏡原卷之七
昆蟲類 蜈

則死或曰以鷄腸草搗塗經日即愈
工鴛鴦鷺鷥蟾蜍悉食之
小史集雅蠍無目感應經南越夷狄男女同川而浴淫以女為主故多蠍蠍者淫女惑亂之氣所生
紀年周惠王二年王子頹亂王出居鄭鄭人入王府多取王玉化為蠍射人

蛭 附度古

爾雅疏蛭水中蟲善入人肉者江東呼為蟻本草謂之水蛭一名馬蟻一名馬者即王食寒菹得而吞之能去結積者是也
本草蛭一名蛟畏石灰生水中者名水蛭亦名馬蟻生石中者名石蛭生草中及泥中者名草

蛭泥蛭竝能著人及牛馬身上齧啞其血甚者入肉中產育為害大者長尺餘人呼為牛馬蟻人觸之縮如拳頃之引伸而縱如蚯蚓也此物極難死火炙後經年得水猶能活
事物原始有四翼者名曰蜚蛭
本草汴人謂大者為馬鬣腹黃者為馬蟻
物理小識馬蟻燒成灰以磁覆之於地過一夜復生
事物紺珠飛馬蟻生蜀貴深山林木中大四五寸飛著人即穿衣絮入皮中啞血人不知痛及知已大如筋甚為害惟觸青衣則落地
事物紺珠爛黃細而長入人肉摘之輒斷
鄭元祐遂昌雜錄馮士啓嘗言在入蕃時乘驛向某所夜月微明睹一物如小屋大袞入江水腥風臭浪襲人三

更後至前驛驛吏出迎錯愕曰是何大膽敢越馬絆來
乎士啓問馬絆何物驛吏言乃馬黃精也過之者輒爲
其所啗

度古 西陽雜俎 度古似書帶色類蚓長二尺許首如
鏟背上有黑黃欄稍觸則斷常趁蚓蚓不復動乃上蚓
掩之良久蚓化唯腹泥如涎有毒雞食輒死俗呼土蠱

蝟

埤雅蝟可以治胃疾狀似鼠性極驚鈍物少犯近則毛
刺攢起如矢爾雅所謂彙毛刺者卽此也見鵲則仰腹
受啄中其矢輒爛 西陽雜俎蝟見虎則跳入虎耳
潛確類書蝟似鼠而毛刺大者如小狍小者如瓜脚短

尾長寸餘蒼白色見人則藏面腹下員輒如栗房攢毛
外刺刺端分兩岐不可搏執語去蝟毛而起卽此也能
治金瘡毒 說海福清縣有訟金蠶毒者縣官求治不
得蹤或獻謀取兩刺蝟入捕必獲矣蓋金蠶畏蝟蝟入
其家金蠶則不敢動雖厝榻下牆罅竟爲兩蝟擒出之
炙穀子刺端分兩岐者蝟如棘針者蝟 物類志蝟
毛順者雄逆者雌 徐兢使高麗錄麗俗謂刺蝟毛爲
苦苦 埤雅蝟皮能整紉類染師用之刷紉物 埤雅
蝟膽甘 尚書故實京國頃歲街陌中有聚觀戲場者
詢之乃二刺蝟對打命旣合節奏又中章程 紀聞屈
突伸任性好殺所居弓箭羅網又彈滿屋焉殺害飛走

不可勝數目之所見無得全者乃至得刺蝟亦以泥裹而燒之且熟除去其泥而蝟皮與刺皆隨泥而脫矣則取肉而食之

蝗 附草蟲 阜蟲 蝻斯

說文蝗蟲也一名蝻一名蝻 禮記孟夏行春令則蝗蟲為災 洪範五行傳介蟲有甲能蜚揚之類陽氣所生於春秋為蝻今謂之蝗皆其類也旱氣動象至矣 酉陽雜俎荊州有帛師號法通本安西人謂蝗蟲腹下有梵字或自天下來者及叨利天梵天來西域驗其字作本天壇法禳之今蝗蟲首有王字固是可曉或言魚子變近之矣舊言蟲食穀者部吏所致侵漁百姓則蟲

食穀蟲身黑頭赤武官也頭黑身赤儒吏也 瑋雅蝗即魚卵所化春魚遺子如粟埋於泥中明年水及故岸則皆化而為魚如遇乾旱水縮不及故岸則其子久閣為日所暴乃生飛蝗 演繁露江南無蝗其有蝗者皆是北地飛來也吾鄉徽州稱初成窠常苦蟲害其形如蠶而其色縹青既食苗葉又能吐絲牽漫稻頂如蠶在簇然稻之花穗皆不得伸最為農害俗呼橫蟲記得紹興庚申汪彥章典鄉郡有投牒訴此蟲名為橫彥章謂曰日有旨令恤蟲災第言徽州蝻蟲為害不呼為橫也案唐韻蝗一音橫去聲則俗呼為橫不為無本也 七修類藁爾雅以蝗有四種予所見者灰黃二色大率於苗

之心葉根節盡食之或者四種寓於二色不可知也纔
飛卽交數日產子如麥門冬後數日中出如黑蟻子八
十一枚卽鑽入地中其子入地來年禾秀時乃出旋生
翅羽其飛止跳躍所向羣往無一反逆者渡水則後銜
前翅由山然若繩索之狀一縣之地或食其半或食一
角有相鄰而不食者有踰山渡河以食者殆若真有神
役也〔霏雪錄〕老農語曰蝗生子遺而入地經大雪則
入地愈深坡雪後書北臺壁云遺蝗入地應千尺又和
喜雪云螟騰無遺種是也〔東觀漢記〕馬援爲武陵太
守郡連有蝗援賑貧羸薄賦稅蝗飛入海化爲魚蝦
〔晉書〕永嘉四年幽州并司冀秦雍等六州大蝗食草木

牛馬毛皆盡〔唐書〕貞觀間京畿旱蝗食稼太宗在苑
中撥蝗吞之曰寧食朕肺腸毋害百姓是歲蝗不爲患
〔詩傳〕姚崇遣使捕蝗夜中設火火邊掘坑且焚且瘞
〔玉堂閒話〕蝗之羽翼未成跳躍而行其名蝻晉天福
之末天下大蝗連歲不解行則蔽地起則蔽天禾稼草
木赤地無遺其蝻之盛也流引無數甚至浮河越嶺踰
滄渡壑如履平地入人家舍莫能制禦穿戶入牖井溷
填咽腥穢牀帳損齧書衣積日連宵不勝其苦鄆城縣
有一農家豢豕十餘頭時於陂澤間值蝻大至羣豕豕
躍而嚼食之斯須腹餒不能運動其蝻又饑咬齧羣豕
有若堆積豕竟困頓不能禦之皆爲蝻所殺癸卯年其

蝗皆抱草木而枯死所為天生殺也 玉堂閒話已酉
年將軍許敬遷奉命東洲於岐野間見有蝻生十數里
纔欲打捕其蟲化為白蚊蝶飛去 左傳文三年秋雨
蝻于宋注蝻飛至宋墜地死如雨 春秋佐助期蝻之
為蟲赤頭甲身而翼飛行陰中陽也蝻之為言眾暴眾
也 春秋含孽蝗起於貧蝻者飛而甲為害故天雨蝻
則刑法醜 爾雅疏蝻蝻子也陸璣云今人謂蝗子謂
蝻子兗州人謂之騰許慎云蝗蝻也蔡邕云蝻蝗也是
一物 爾雅蝻蝻蝻註蝗子未有翅者一作復陶 春
秋傳蝻始生為蠖長大為蝻秋蝻未息冬又生子災重
及民也 禮記仲春行夏令則蝻螟為害 埤雅食心

曰蝻食葉曰蟻 爾雅蝻蝻蝻食節曰賊食根曰蝻 詩疏
蝻似蚜蚋而頭不赤騰蝗也賊桃李中蠹蟲赤頭身長
而紐耳或說云蝻蝻蝻食苗根為人害許慎云吏冥人
犯法即生蝻吏乞貸則生蟻吏抵冒取人財則生蝻舊
說云蝻騰蝻賊一種蟲也如言寇賊奸宄內外言之耳
故健為文學曰此四種蟲皆蝗也實不同故分釋之
草 爾雅疏草蟲一名負蝻一名常羊 詩疏草蟲
常羊也大小長短如蝗奇音青色好在茅草中
自 埤雅蝻蝻今謂之蝻蝻亦跳亦飛飛不能遠青
色爾雅曰蝻蝻蝻草蟲負蝻蝻草蟲鳴蝻蝻蝻躍而從之
故蝻蝻曰蝻草蟲謂之負蝻也蝻蝻一名蝻蝻蝻長

各該鏡原卷十七 見蟲類 草蟲 蝻蝻 九

瘦善跳言窄而猛也。〔物類相感志〕阜蝻如蝗蟲江東人呼為蚱蟻與蚯蚓雖異類而為雌雄蚯蚓鳴則阜蝻跳躍五月五日何其偶合收而佩之令人相愛。〔爾雅〕疏土蝻一名蟻。今謂之士。蝶江南呼蛭蛭又名蚱蟻似蝗細小善跳者是也。〔拾遺記〕石蠲形如蚱蟻而小身長兩股如蠲在草頭能飛蝻之類也與蚯蚓交。

蝻斯 〔埤雅〕蝻斯蟲之不如忌一母百子者也故詩以為子孫衆多之况。〔邢疏〕蝻蝻周南作蝻斯七月作斯蝻惟字異文倒其實一也一名蝻蛭一名蝻蛭一名蝻蛭。陸機云幽州人謂之蝻箕蝻箕即蝻。黍蝗類也長而青長角長股股鳴者也或謂似蝗而小斑黑其股似毒。

蝻又五月中以兩股相切作聲聞數十步者是也。蝻蝻一名蝻蛭形似蝻蛭而細長飛翅作聲者是也。

格致鏡原卷九十七終

格致鏡原卷九十七 昆蟲類 蝻斯

